

皇明從信錄

皇明宣宗皇帝十八

東莞陳建輯

秀水沈國元訂

英宗睿皇帝

丙辰 正統元年

正月九日開經筵以太師英國公張輔知經筵事大學士  
楊士奇楊榮楊溥同知經筵事少詹事王直王英講讀學  
士李時勉錢習禮陳循侍讀苗衷侍講高穀修撰馬倫曹  
弼並充經筵官進講九卿掌印官侍班給事御史各二員  
侍儀禮畢賜宴及賜金幣鈔錠有差

以上下卷  
父學不誤

天順日錄曰考功郎中李茂弘嘗言可憂者君臣之情  
不通經筵進講文具而已不通粉飾太平氣象未必能

意外之禍後來果驗蓋智  
者當見於未然茂弘有焉  
失夫

二月會試天下舉人命少詹事王直侍講學士陳循爲考  
試官取劉定之等一百人

三月廷試賜周旋陳文劉定之等進士及第出身有差○  
令浙江嘉湖直隸蘇松等府官田准民田起科每畝秋糧  
四斗一升以上至一石者減作二斗七升二斗七升以上  
至四斗者減作二斗一升一斗至二斗者減作一斗從巡  
撫周忱之言也蘇州府遂減秋糧八十餘萬石他府有差  
○命兵部左侍郎柴直參贊陝西軍務先是虜酋朵兒只  
伯擁衆入寇鎮番副撫兵劉廣出兵往援遇虜而還虜隨

廣閉門不敢出。虜大掠而去。廣不以實聞。反奏功。假賞車劾其罔上。又陳其欺誑不法事甚衆。請寘之法。詔捕送廣父子至京下獄。又劾奏寧夏失律。亦召還。朝廷以車公廉詳慎爲國盡忠。賜白金三十兩。并三表裏。○召應天府尹鄭埜爲兵部左侍郎。

埜湖廣宜黃人。初爲陝西按察副使。有聲。其父家教至嚴。嘗以俸易一紅裙寄之。父大怒曰。此子不才如此。汝寧一方刑名。不能洗冤澤物。以安其民。乃索此不義之物。汗我即封還。以書責之。埜欲見其父。不可得。以父爲教職。始開秋開聘典文。醫者謀于寮友。往請于父。父大怒曰。此子無知。汝居憲司。吾爲考官。何以防範。且將遺前于人。又以書罵之。埜迎者跪謝。涕泣受教。繼爲府尹。益勵其操聲。傳足清。錄之以風世。

六月召江西左布政使陳智爲右都御史。

理濟其  
德

智武昌咸寧人初為御史執法嚴明陞陝西按察使居  
任十五年多惠政陝民深德之遷江西布政使宣德末  
承豐賊曹子良作亂聚眾據大猷官兵食而剿之從賊  
嚴季茂等千餘人皆被執時歲凶民艱食智謂其有因  
饑而被誘者不可令盡死倡義捐俸為粥賑之奏上  
上得報失其首惡三十餘人隨從者皆宥免時有告富  
民與賊通者三百餘人智下令曰所告虛實未可知苟  
無實趣往來眾悉詣官自告智諭之曰果若人言下諸  
吏鞠訊爾尚能保家乎今爾曹自赴官若能出粟濟飢  
民富貸爾眾積願流涕乞如命得粟萬餘石所居不勝  
計至是召陞右都

代願佐掌院事

增鄉試會試取士額先是祭酒陳敬宗言比者解額有定  
副榜數少以致天下教官類多缺員吏部遂建議兼考監  
生補除教職往往僥倖選列不稱師範竊以為縱科舉取  
人之濫猶愈于監生考試之精請量寬解額專取之于副

榜庶幾誨導得人賢才無滯于是議增科目有差○吏部尚書郭璉出身早不遑問學然天資甚美受氣完厚臨事從容喜怒不形于色精于吏事簡切不泛爲戶曹屬 文廟已知其名正統初侍臣因蝗旱言大臣不能盡職久妨賢路有旨回奏衆欲歸罷田里以謝天譴璉獨以爲不可云非是貪位但 主上幼冲吾輩皆 先帝簡任受付託若皆罷去誰與共理只宜戴罪修省改過以回天意衆從其言識者建之○始設提督學校官負各省設按察司副使或僉事各一員南北直隸監察御史各一員請勅專一提督○優免先聖子孫差役

七月徙封襄憲王于襄陽、淮靖王于饒州。

十月望、車駕閱武于將臺、命諸將騎射、以三矢爲率、受命者萬餘、惟駙馬都尉井源、彎弓躍馬、三發三中、上大喜、徵上尊賜之、觀者相謂曰、往年王太監閱武、紀廣驛陞三級、今日萬乘閱武、豈但一杯酒已耶、竟無殊擢、○令僧錄司復照洪武舊制、造僧人周知冊。

十二月、命兵部尚書王璘巡邊、先是鎖守平涼等處、僉都御史羅亨信與都督趙安、率岷洮等處兵巡邊、遇虜、安與都督蔣貴用都指揮安敬議、逗留不行、亨信至其營責之、曰、汝輩受國厚恩、臨敵逗留、安用汝握重兵爲、且汝特畏

必耳死三尺法孰若必敵貴等變色以爲權不報爲解  
信卽上章劾之上乃命王驥巡飭邊務

丁巳

正統二年

春 太后御便殿召大臣英國公張輔大學士楊士奇楊  
榮楊溥尚書胡濙入朝左右女官雜佩刀劍侍衛凜然

上東立輔等西下立 太后召問輔等五人皆有獎勵之  
辭因顧謂 上曰此五人 先朝所簡貽 皇帝凡有行  
必與之計非五人所贊成者不可行也 上受命頃間宣

命宣王振至 太后顏色頗異欲誅之 上跪爲之請諸  
大臣皆跪乃得解先是宣廟崩 太后將宮中一切玩好



之物不急之務。悉皆罷去。委任三楊。上初即位。切沖有  
詔。凡朝廷大政。必白于太后。然後行。太后令付閣下  
議決。每數日。必遣中官至閣問。連日曾有何事來商。確即  
以揭開。某日中官某。以幾事來議。如此施行。太后乃以  
所白驗之。由是正統初數年。天下休息。皆張太后之力也。  
嘗考正統初。選經筵官。閣下悉以翰林充之。張太后內  
批云。如何不見居外賢良。以旨付弘文館。于是劉珠等  
以部屬進。次經筵。后之選賢遠好。卓絕千古矣。  
以宋儒胡安國。蔡沉。真德秀。從祀孔子廟庭。○兵部尚書  
王驥巡邊。至甘肅。斬有罪都指揮安敬。遣兵敗北虜于莊。

九  
身  
必  
得  
若  
人  
又  
胡  
要  
焉

浪先是驥受命馳至耳肅。肅聞邊備見莊浪永昌山丹路  
守兵俱少。烽埃不飭。軍無紀律。歎曰。邊防如此。而欲虜無  
侵凌。難矣。翌日大集兵衆于韓門。問先年大軍遇虜于魚  
海而先退者。誰歟。咸曰。都指揮安敬。命引出斬之。徇于衆  
曰。目今遇敵。畏縮者視此。三軍股慄。因簡閱戍軍。謹斥堠  
嚴部伍。勤訓練。利器械。軍容肅然。旣而虜酋已禿字羅入  
冠莊浪。驥遣都指揮衛榮。授以方略。擊敗之。俘獲甚衆。寇  
知有備。引去。遣知院何曾等納款於朝。驥以耳州官軍元  
寇徒費糧餉。乃選留二萬五千餘。還本衛更番代上。於是  
兵得休息。民減轉輸之勞。驥尋還京師。

五月左都御史顧佐致仕。是年佐考察罷御史邵宗元、戴藩在吏部。上爲原宗詰佐。佐遂請老去。家居十餘年卒。佐性嚴重。守正嫉邪。人知敬憚。以故竟擠之去。○楊士奇薦御史彭最提督南畿學校。師道卓立。寬嚴得中。一時東南士風翕然振起。

六月行在僉都御史魯穆卒。

穆。浙江天台人。由御史陞福建按察使。事。理冤盜。惡貪墨。抑豪強。直介孤立。不可干以私。泉州人有李姓者。妻吳美。舊與富鄉林私。李調官廣西。林令二僕從李行。殺之道中。并殺其姪。吳竟適林。李宗人訴之郡。郡得股反坐。李宗人誣。又訴按察司。司得賂如郡。十餘年未決。公故廉得踪跡甚詳。一訊林即服。漳富人許富無子。後兄子已而妾有子。與兄子貴三之一。托已子許富。兄子言妾子非許子也。遂去。盡奪其貴。公大召縣中父老及許

見北

宗人詢之。首曰：妾于本許種也。凡于始服罪，起陞金都御史，召入臺，自初舉勅，異常見前長，攻苦食淡，力學博經史，嘗大書座右，突得某根，而事可做，比入官，請寄不行，問道並絕，義色正詞，清心寡慾，能政臨民，外嚴內恕，決疑應變，才氣雄敏，歷官中外，三十餘年，家無餘貨，及不能飲。

### 京師旱

時街巷小兒爲土龍禱雨，拜而歌曰：雨帝雨帝，城隍土地，雨若再來，還我土地。成羣呼噪，不知所起。未幾有監國卽位之事，繼有復辟之舉，說者謂雨帝者與弟城隍者，鄭王再來還土地，復辟也。後悉如議。

九月，甘肅守臣報北虜復犯邊，十月勅驥復詣甘肅總督諸軍以備之。平江伯陳豫子陳儀言于上，請于寧夏并肅簡精銳，候春暖俱發，諸道並進，且約瓦剌相犄角，殘虜破敗之餘，必就擒戮，此萬全計也。上然之。○召温州府

知府何文淵爲刑部右侍郎文淵江西廣信人初爲監察御史宣德中朝廷以江南諸大郡難治者命大臣擇京朝官出守召見宴勞之賜璽書馳驛之任文淵有治才在溫六年廉靜寡欲一郡大治當時浙東守稱爲第一尋入覲召入便殿命近臣傳旨獎勵并賜御製招隱歌至是超陞是職

按何文淵後擢居冢宰多不滿人意而治郡聲名定卓冠一時所以然者由當時聖君賢相特鼓舞新作之權雖中才皆爭自奮勵而善刻深者變爲仁厚乃筆者變爲循良也至所以懲貪阻墨者則人必下獄必成或充胥吏不但解印綬歸田里而已朝廷勤思如此是以諸臣上焉者莫不精白一心以承休德下焉者亦有所畏憚而不敢恣肆之甚也近日此義泯如其邊除一切什之尋常資格而貪墨者不過止於充官而已惡善

者無所勸。有惡者無所懲。後來治不如祖宗之盛。無怪其然矣。

勅方面郡守有缺。照舊在京三品以上官保舉。時有言方面及府州正官專用保舉。即是恩出於下。欲如洪武永樂故事。皆令吏部選除。上命內閣議之。楊士奇等上疏言。宣德七年以前。藩憲二司及府州正官。多不得人。百姓受害。是以宣宗皇帝勅令大臣保舉。自茲以逞。多得其人。間有一二非才。蓋緣舉主審察不至。亦或實是徇私。所司不行糾舉。以致如此。答唐太宗力行仁義。命在京三品以上官舉郡守縣令。後來致天下斗米三錢之效。近年有等京官無人舉保。造爲謫語。專欲廢壞。先帝良法。伏望

聖斷只依 先帝勅旨而行。但所舉之人。後有犯賊。必須  
明正。舉主之罪。則人知謹畏。不敢濫舉。官必得人矣。詔從  
其議。

天順日錄記宣德初楊士奇輩以方面大職亦任吏部  
且舉未盡得人乃今在京三品以上官各舉所知當時  
以爲美事行之既久公道者少時人有拜官公朝受恩  
私室之譏景泰初始罷此例又曰西楊驥偏而無私尤  
持公論當時天下方面頗亦得人正統六七年以後  
張太后崩二楊相繼而下進退天下人才之權遂倒置  
矣此非法之不善人之不善  
壞之也故曰有治人無治法

進贊理陝西軍務侍郎柴車祿從二品車盡心邊務每糾  
勅將佐欺玩章前後凡數十上或惕以後患車曰吾敢愛  
身以誤國也澹泊自處守止益堅每有功賞雖勅下必覆

驗而後行詐冒必糾正之。以州土官都指揮后能以家人  
聞功得陞賞車奏罷所陞官能復以爲請。上宥之車反  
覆論其不可曰詐冒如能者非一人臣方按覈皆請罷。今  
宥能如餘人何若無功而得官則捐軀赴敵者安以待之  
詔嘉車忠誠遣使賜白金四十兩文綺四表裏仍進從二  
品祿

按正統初年三楊當國西事之殷朝廷處置頗爲得宜  
蓋自我安敬而後軍令肅然劉廣而後款玩懲正后能  
之詐冒而後功罪核付王驥以便官而後閩外專賞柴  
車之忠誠而後人臣之盡職者勸守法者不撓此西師  
所以終奏膚功而狂虜卒於破滅有由然矣嗚呼此三  
楊之所以爲可稱而後之謀國安邊者所當取法與

戊午

正統三年



春 宣宗皇帝實錄成。大學士楊士奇、楊榮俱進少師。薄進少保。餘進秩有差。○王驥等率師敗虜于塞外。虜酋阿台、朶兒只伯走死。先是驥至邊。復申號令。將士咸奮。願一戰。居無何。虜入寇邊。驥選精兵二千。遣都督蔣貴將之。臨行戒之曰：「兵精氣銳。遇賊不能勦殺。無復相見。」貴父子感奮。以往。繼遣趙安率兵由東京州逾白鴉孤口北抵赤林鉄門。諸關爲犄角之勢。貴遇虜於石城兒泉。破走之。驥與鎮守魯安都督任禮帥馬步出鎮夷關。與貴期以狼心山舉火爲號。貴襲阿台及朶兒只伯巢穴。與任禮等縱兵夾攻于梧桐林。擒其驍賊虎都丹等三十餘人。後進兵至。

野狐心、青羊山、轉戰二千餘里、俘賊男婦二千餘口、馬駝  
畜產不可勝計、虜酋率數千騎遠竄、尋死。

夏、淮揚被災、鹽課虧少、上命巡撫侍郎周忱往視之、忱  
奏令蘇州等府將撥剩餘米、每月量撥一二萬石、運揚州  
各鹽場收貯、照數出給、通開、准作下年預納秋糧、其米在  
場、聽令竈戶將私鹽於附近場分上納、即照時價給還、根  
米食用、于時米貴、鹽賤、官得貸鹽、積聚民得食糧、安生上  
下賴之。○御史曾皋以事降汜水縣典史、自宣德六年到  
任、操行廉謹、蒞事勤能、勸學興禮、督農事、稽女工、尤恤貧  
窘、無牛具者、勸與耕種、無綿花者、借與紡績、時歷鄉村、察

解兵實錄

其勤惰又率民墾荒田以收穀麥伐竹木以贖貨財用以納逋稅辦軍餉官有儲積民無科擾以其美餘造船以備攢運置棺以助死喪歷任三年化醇訟簡家給人足泉沒三年民思慕如一日

雙槐歲時謂泉論官盡職可謂賢矣近時此秩者張舊榮執服舊絲章義視民事若干涉與泉之罪人哉

楊士奇楊榮楊溥上言今遣御史清軍有以陝西山東山

川非更成  
獨水土

西河南北直隸之人往南方極邊補伍者有以江浙閩廣

習勞通  
不便

川湖之人往北邊補伍者其水土不相習北人苦於瘴癘

軍伍之  
都在此

南人苦於嚴寒多致死亡况西北二邊急於防守而所在

勇壯之人乃發戍南方自今邊卒清解者宜從南北所宜

齊安之見

撥。戊。詔。廷。臣。議。行。之。時。兵。部。侍。郎。鄭。堃。掌。事。部。事。曰。此。舊。制。不。可。紊。稍。有。變。易。將。不。勝。其。弊。各。將。誰。贖。卒。不。動。

八。月。翰。林。侍。讀。學。士。曾。鶴。齡。主。考。順。天。鄉。試。初。試。之。夕。場。屋。火。試。卷。有。殘。缺。者。有。司。懼。罪。不。敢。以。更。試。爲。言。惟。欲。請。葺。場。屋。以。終。後。兩。試。鶴。齡。曰。必。更。試。然。後。滌。百。弊。以。昭。至。公。不。然。雖。無。所。私。此。心。亦。欺。朝。廷。何。惜。一。日。之。費。不。成。此。盛。舉。哉。有。司。具。二。說。以。進。命。下。悉。如。鶴。齡。所。言。

十。月。召。王。驥。等。還。京。師。論。功。命。驥。以。尚。書。兼。大。理。寺。卿。王。倬。並。支。策。車。陞。兵。部。尚。書。仍。贊。理。陝。西。軍。務。命。都。察。院。僉。事。李。士。奇。陞。修。二。級。封。都。督。蔣。貴。定。西。伯。任。禮。部。主。事。伯。麟。陞。廣。西。按。察。使。

昌德道祿一千石

王直曰朝廷之於西事蓋慎重矣嘗宿勁兵任良將又  
緩近臣往臨之欲以安內懷外然其忠於上仁於下不  
爲利回不爲勢屈者無幾是以安懷之效不立迨天  
子赫怒更命將帥而王業諸公夙夜圖議振綱去弊  
事明賞罰以示勸懲而人始知有法思奮其材武以從  
征伐立功名於是虜影滅跡絕而天威震動於萬里  
外矣建按一時諸公之功固大矣然王振由此驕心遂  
生以中國之富強爲無敵以四夷之蠢弱爲易與遂南  
啓麓川之爭北挑瓦剌之釁卒至己巳之變神器幾播  
傳曰數戰則民疲數勝則王驕易曰危者安其位者也  
亡者保其存者也亂者有其治者也斯固有天下之至  
鑒與

雲南麓川宣慰思任發叛寇邊侵掠騰衝南甸等處

已未 正統四年

春會試天下舉人命禮部侍郎兼學士王直學士蘭從善

學既而不  
八其百餘  
六全也

為考試官，取楊鼎等一百人，廷試，賜施槃、楊鼎、倪謙等進士及第，出身有差。○揚士奇乞致仕，不允，命還鄉省墓，遣中官阮江護送，且促歸，尋還京師。○逮巡按湖廣監察御史陳祚，下詔獄。祚按湖廣，益持風紀，上言遼王不軌數事，上怒，遣官械繫下獄，論死，未幾，王事自覺，乃宥之，改南京雲南道御史，尋陞福建僉事，乞致仕。○新作京城九門成。

○召山東右布政使王質為戶部右侍郎。

質，鳳陽人，始由教官荐授御史，臨政公勤，果毅清操，著聞在蜀，出巡，惟蔬食而已。蜀人呼為王青菜。在山東尤多惠政。

三月，京城大水，詔求直言，賑恤軍民被水之家。○翰林編

修劉定之上言十事一言號令之出宜求其大公至正久而無弊信賞必罰不爲苟且二言公卿侍從宜時常召見能察其心術而進退之三言降胡近處京畿宜漸分其數移置南地四言宜以京官出任郡縣使民得蒙循良之政五言宜倣唐制朝官陞任之時舉賢良自代六言武臣子孫宜習輜畧七言守令之官宜加詳察八言鋤富恤貧九言下愛宜令終制十言宜遏僧尼○陞蘇州府知府況鍾祿正三品仍知府事

按鍾九載滿口赴京當代軍民訪聞乞留者數萬人詔坐鍾休令復任擢士奇贈以詩云十年不遇趙清獻十已垂逢張益州又再期以疾卒于郡民競立祠祀之議者謂其剛正之氣卓特之才清潔之操一特鮮見其此

鍾在蘇也。盡心民事，剔蠹除奸，輕徭薄賦，設濟農倉，清  
收糧弊，防運夫侵盜，則蠲綱運簿，防非禮需索，則屬館  
夫簿綜理周官，簡約易行。  
後之爲郡者，所宜法焉。

陞吉安府知府陳本深祿正三品，仍知府事。

本深，寧波人，治尚寬簡，未嘗任智假威以馭民，有抑不  
伸者，雖三尺童皆得注白，久之，郡民自恥爭訟，尤折節  
下士，色辭恒謙和，未始有怠容。一郡咸安之，至是九載  
滿，郡人不忍其去，相率乞留，藩憲及御史具以聞。上  
從之，增本深俸，俾復任。在吉安前後凡十八年，始以老疾致仕去。既去，民皆尸祝之焉。

東莞令盧秉安落任至一十九年，清操不易，隔行惟受  
士民之詩，自賦云：不食自古人，爲實今日貧民詩。滿臺  
十有九年，官剝邑卒，無一失掛心。屬國初守令久任而  
民受其福，往往如此。丘文莊公曰：我朝自聖祖稽古  
定制，始猶有虞之典，籍年爲滿，中有善政著聞者，增秩  
加官，仍其舊任。是以官安其職，民安其生，仕者無奔走  
遺路之勞，居者無送舊迎新之責。百年以來，率循是道，  
迭自選出，淹滯以來，乃行一切苟且之政，祿有變更，



非朝廷立法之  
初意矣惜哉

四月倭寇浙東先是日本來貢人船刀劍不奉約束宣  
宗諭使臣後貢毋過三舟使人毋過三百刀劍毋過三十  
續來貢如約束受之及源道義卒命太監雷春弔祭嗣王  
遣使貢謝自後方物戎器滿載而來遇官兵矯云入貢貢  
卽不如期守臣幸無事輒請俯順夷情主客者爲盡可條  
奏卽復許貢云不爲例嗣後再至亦復如之我無備卽肆  
出殺掠滿載而歸宣德末年海防益備賊不得間貢稍如  
約遂許夷至京師宴賞市易飽恣其欲已而備禦漸疎是  
年寇大熾入桃渚官庾民舍焚劫一空驅掠少壯發掘塚

不當時時  
有也

墓前孩兒竿柱上沃之沸湯視其啼哭拍手笑樂捕得孕婦忖度男女刳視中否爲勝負飲酒荒淫穢惡至有不可言者積骸如陵流血成川城野蕭條過者隕涕於是朝廷下詔備倭命重帥守要地增城堡謹斥堠修戰艦合兵分番屯駐海上寇盜稍息

五月沐晟沐昂奉命討思任發師次潞江思任發遣其將緬檢斷江守帥不得渡初思任發未叛時刁賓玉嘗遣詣晟晟兒子畜之至是晟遣使諭之降思任發佯許諾故晟無渡江意緬檢數挑戰都督方政怒欲渡江攻之晟不許政不勝憤夜獨率其麾下渡擊緬檢走之破賊棚斬首三

家大事  
往爲一  
之私意  
敗其可  
哉

千餘級乘勝深入逼思任上江上江賊重地少選伏兵四  
起政求救晟怒其違節制渡江不遣久之以少兵往政知  
晟不力援已乃遣其子英還曰汝急歸吾死分也遂策馬  
突陣死一軍皆沒晟聞敗適春暮慮瘴癘遂焚江上積聚  
倉卒奔還永昌雲南藩臬以事聞上遣使者責狀晟知  
不免遣人語使者曰吾主將失律喪師罪當死遂飲藥至  
楚雄發病卒

六月西域撒馬兒罕遣使進良馬色玄蹄額皆白賜名瑞  
頴詔畫史圖之○令大同宣府遼東陝西沿邊空閒之處  
許官軍戶下人丁儘力耕種免納子粒

胡世寧嘗奏議廣屯種以足邊儲夫屯種孰不欲廣然  
而差官督辦不能增者急于起利得利也夫差收不常  
而租市定額則開墾者利未得而言已隱故人不放開  
墾今如此則有利無害人樂于興種矣民間米穀既多  
則價賤發銀可糴則邊儲易足矣建按邊儲之策有三  
趙充國之留田遼中韓重華之營田代北者上也勸民  
廣種以待糴召商開中以代糴者次也轉餉千里終歲  
糜費脫巾待哺策斯下矣然近日諸邊每止行下策謂  
之何哉

七月 上命吳誠吉祥監督諸軍討思任發敗績

十月廢遼王貴齡爲庶人坐滅絕天理瀆亂人倫也

十一月造渾天璿璣玉衡簡儀○追封故廣西總兵官都  
督同知山雲爲懷遠伯謚襄毅雲鎮廣西十餘年廉明  
仁勇繼其後者皆莫能及○楊士奇等上言堯湯之世不

免水旱而堯湯之民不至甚病有備故也。太宗皇帝篤  
意養民其備荒皆有定制天下郡縣悉出官鈔糧穀各於  
四鄉置倉貯之以時散歛又因其地宜開浚陂塘修築圩  
岸閘埧以備水旱大小之民各安其業此萬世之利也歷  
歲既久奸弊日滋豪滑侵漁殺盡倉毀凡諸水利亦多湮  
廢或被占奪稍遇凶災民無所賴風憲不舉守令漫不究  
心事雖若緩所係甚切請令戶部擇遣京官廉幹者往督  
有司凡豐稔州縣各出庫物平糴儲以備荒陂塘閘埧皆  
令修復其實奏聞郡縣官滿以此舉廢爲最嚴風憲官巡  
歷各務稽考仍有欺弊怠廢者具奏罪之庶幾官有實積

三編  
勸民出  
耕尤著  
效

歲荒人民不至狼狽耕農無旱潦之虞仁政所施無切於此。

十二月徙封荆憲王于蘄州。

庚申 正統五年

正月守備南京少保戶部尚書黃福卒成化中贈太保謚忠宣○令六部都察院推選屬官領勅分投總督各布按二司并府州縣處置預備倉發所在庫銀平糴貯之軍民中有能出粟以佐官者旌其義復其家○令天下有司秋成時修築圩畝疏濬陂塘以便農作仍具數繳報俟考滿以憑黜陟○召守備南京襄城伯李隆還提督京營

天順日錄記襄城伯李隆丰安發重器宇宏遠守南京十八年鎮之以靜最識大體惟重斯文士林仰慕丰采正統中以得人心見錄召回京師始近聲妓為自安計數年卒自後代者教易於莫能繼四月立存積常股鹽法

七月少師大學士楊榮還鄉省墓畢事還京至杭州武林驛病卒事聞上輟朝贈左柱國太師謚文敏所著有兩

京類稿玉堂遺稿北征記退思集默菴集等書

水東日記宣德正統間名臣稱三楊以文貞為西楊文敏為東楊並因居第以別之文貞固出江西而文定

望每書南都因號南楊焉

天順日錄東楊天資明敏有果斷之才文廟英武舉臣奏對少能稱旨惟愛東楊之才凡大事密計必參與焉氏與大臣謀事非次文憲不集甚至發怒東陽一主經齊威事亦隨夫每勸文武大臣肅穆重四自英

國公而下俱遜避俟三楊先生決之西楊訊之未嘗決  
至不可了東楊一問即決有救人利物之仁而不忍  
人之患人以爲愛錢或生法乞救或在卑求薦必留意  
焉報者相繼而不厭也自五府六部都察院無不畏其  
威聽其說使百職不能待正亦由于此其輔理之功在  
文仁宗時亦有光在正統數年天下休息頗有力焉至  
于裕君心之非引之當

道則繁乎未有聞也

項綴錄云三楊同官最久當是之時于戈甫定宗室未  
養軍職尚少經費無幾國用有餘民間人稀地廣法網  
未密財利無制宣廟英武乾綱獨斷百司守令久任  
不更官民相安天下號爲太平三楊之名所以有著時  
福建僉事廖謨杖死驛丞東楊以鄉官欲坐債命西楊  
以卿故欲擬因公互爭不決請裁于太后王振因面  
進言二楊皆有私債命通重因公過輕宜對品降調府  
同知太后慰之振自是據據內閣之過裁決一歸於  
振遂有麓川之征疲耗中國此皆三楊失柄之所致也  
然西楊之文學東楊之政事南楊之清雅皆人所不及  
故今論賢相必曰三楊



雙溪雜記云正統初三楊在內閣楊士奇驕偏而少私能持公論楊榮寬鄭休息小民知兵部尚書王驥始建議欲差御史巡行天下清軍屢止之驥後力奏不已乃從之凡事循守舊規不輕改變亦未敢恣意行私蓋雖承祖宗威權之後亦二公心術尚正也然於國家大治體似未諳譬如北征之馬聚下馬房營造之兵修備匠籍似未諳譬如北征之馬聚下馬房營造之兵修備田北京衛多而不知沙汰為精銳律書變改始於徒法廢而流法亡軍賊冗濫併餘非試之法視為虛文降級充軍之法弃不能用皆不能講究修復三楊相業醇疵畧可考矣

### 命侍讀學士苗衷馬愉侍講曹鶴並入內閣參預機務

按山野記王愷謂三楊學士曰朝廷事虧三位老先生然三先生亦高齡倦倦矣其後當如何內楊曰老臣當盡梓報國死而後已東楊曰先生休如此說吾輩衰殘無以効力當薦後个後生接聖恩也此說吾輩衰殘翌日即同薦曹鶴苗衷陳循高穀等次第擢用他日西陽或尤東楊東楊曰彼輩吾輩矣吾輩縱自立彼豈自

已乎。一日內出片紙，指幾个名字，某入閣，某入門，則吾輩束手而已。今數士竟是吾輩人，當一心協力也。士奇服其言。

遣使齎勅旌吉安府義民周怡等，復其家。怡等詣闕謝，各置勅書樓以彰恩寵。

廬陵周怡、周仁、吉水蓋汝志、李惟霖、永豐楊子最、羅修齡、蕭煥圭、永新賀祈年、賀孟建、安福張濟泰和、楊孟錢各出粟二千石，佐官以備賑飢。夫以一黃紙而易二千石，遂可以活二千飢民，所操約而所濟博，救荒良策，莫踰于此。成化以後，乃變而為生負納粟入監之令，遂流于鬻爵賣官，祖宗良法美意，無復存矣。可勝嘆哉。

辛酉 正統六年

春，命定西伯蔣貴為征夷將軍，總兵征麓川。以太監吉祥監督軍務，兵部尚書王驥提督軍務。○侍讀劉球上言曰：

帝王馭夷狄不窮兵於小敵以傷生靈惟防患于大寇以  
安中國今北虜脫歡也先父子併吞諸部深謀入寇而恐  
任發依阻山谷侮過乞降議者乃釋豺狼攻犬豕會門庭  
之近國邊徼之遠非計之得也臣愚以為麓川僻陋滅之  
不爲武釋之不爲怯至于西北諸邊宜謹烽堠修墩堡選  
將帥練士卒豐糧餉備器械爲有備無患振不能從  
贈國初死節翰林侍制王禕爲翰林學士賜諡忠文  
十月修建奉天華蓋謹身三殿及乾清坤寧二宮成  
十一月朔上御奉天殿朝羣臣赦天下

按三殿自永樂辛丑災歷洪熙宣德至此甫二紀方修  
建仁宣二祖恭儉之德謹天戒重民勞之意至矣

認京師名衙門除行在之稱永樂初議遷都設六部等衙門各稱行在某部十八年定都于北除行在二字其舊在南京者加南京二字洪熙初仁宗欲回都南京北京各衙門復稱行在至是宮殿完仍定都北京復除行在二字遂爲永制

陳建曰古今天下大都會有四曰長安曰洛陽曰汴曰燕固皆建都之地然論盡善則皆不如洛陽何也夫建都之要一形勢險固二漕運便利三居中而應四方安雖形勝而漕運艱難汴梁居四方之中而平夷無險四面受敵惟洛陽三善咸備故宋范仲淹深欲營都于此時傳興作議者恨焉國初懿文太子受命歷相舊邑不以洛陽爲上使懿文不蚤世遷都必矣幽燕形勢自稱雄會通漕運建都宜矣然北距塞不二百里無險之固而天子自爲守南距珠厓六詔殆萬里而遷非所謂居中而應四方矣使吾中國武備常如祖宗之盛固

五河有古  
 八無法解  
 出無敵意  
 則國恒危  
 然都樓壘  
 西北諸廣  
 池在門庭  
 必防稍弛  
 即有不靖  
 之機使人  
 宗家樂食  
 小龍即失  
 每曰其亡  
 共亡繫手  
 也乘祖宗  
 之貽謀遠

也荷邊閭不固則胡騎疾馳自朔河川古北口一日可  
 至城下且近日茶荆諸關往往失守則形勢失矣黃河  
 遷徙衝決不常而轉漕幾于不便矣每秋高馬肥胡兒  
 輒起搶黃裏之想所幸者國家福祚無疆而胡人惟利  
 抄掠倏來忽去無爭王競帝之志耳又或如丘文莊所  
 慮虜騎疾馳進據臨清咽喉之地則形勢與漕運俱失  
 之矣可慮不尤甚乎祖宗之時只知其甲兵之盛固無  
 之慮都南都北無所不可而不知強弱無常形盛衰無  
 定理創業方興之勢與承平恬嬉之勢固倍蓰什百不  
 侔也今嘉靖聖天子勵精圖治而醜虜猶時肆憑陵胡  
 馬直抵近郊京師九門為之盡閉昌平陵寢為之震驚  
 居庸紫荆為虜坦途良鄉通州為虜外府數十年後吾  
 不知其所終矣  
 杞人深有憂焉

右副都御史吳訥乞致仕許之

訥蘇州常熟人永樂末舉賢生主南京仁宗監國開  
 其賢命教功臣子弟遂拜監察御史歷陞金都副都御  
 史懇乞致仕訥履方居約不以窮達易所守還家閉門  
 著述所著有思菴前後集性理羣書補註小學集解文

章帝紀  
等書

大兵攻麓川賊大破之思任發遁先是軍至雲南賊攻大  
侯州甚急驥遣兵敗之遂進至金齒分兵爲三道徑抵上  
江上江者賊崖所在也夾攻三日不下會天大風縱火焚  
柵力戰斬首五萬餘級賊敗走保險爲拒驥等麾兵深入  
破連環七岸于沙木籠山又破象陣于馬鞍山之陰賊死  
傷十餘萬思任發遁去王驥移兵討韋郎羅韋郎羅者維  
摩賊僭稱廣新王驥遣偏師抵賊境言王尚書大軍且至  
賊黨潰韋郎羅走安南傳檄入安南追賊安南人懼斬其  
首并縛其妻子來獻七年班師還京

神宗初  
為學事

閏十一月，李時勉為國子祭酒，勉入太學，崇廉耻，抑奔競。別賢否，示勸懲。一新條教，變上習。諸生貧不能婚，病不能藥，死不能葬者，節縮餐錢，力為贍給。督諸生誦讀，與寢有常。燈光達旦，書聲不絕，恩義浹洽，不啻父子。太師英國公輔偕侯伯二十餘人請告，詣國子聽講。既至，時勉令諸生各講五經一章，講罷，燕飲酒。侯伯咸讓坐，惟英國以耆年與祭酒抗禮，餘列坐。諸生咸集歌鹿鳴之章，如古儀。迨暮乃散。

壬戌

正統七年

二月，會試天下舉人，命禮部右侍郎兼學士王英侍讀學

士苗衷為考試官取姚漢等一百五十人

廷試賜劉儼呂原黃諫等進士及第出身有差○論破麓

川功進封蔣貴定西侯王驥靖遠伯兵部郎中侯璉陞禮

部右侍郎工部郎中楊寧刑部右侍郎餘陞賞有差

正不可又

天順日錄記定西侯蔣貴起目行伍其為將能與士卒  
同甘苦凡出征衣與罷械不役一人親帶而行與兵士  
無異臨陣當先直衝子弟及士卒如彘追隨以死向敵  
往往取勝所恨如於謀畧必得軍師而後成功然天性  
朴實能忘已之勢聽人指揮  
威震遠夷亦明之名將也

令南京造遮洋船三百五十隻給官軍由海道運糧赴新

州倉

陳建曰按大明會典載此則正統中猶行海運後來不  
知何時始廢又按山東登州衛每年裝載遼東布花鈔



按原設海船一百隻正統間猶存三十餘隻後來營州  
路不復行殆亦盡廢立文社欲首復行海運以備清河  
不虞且習水戰以退倭  
夷海寇實為國遠慮也

命右僉都御史王翱提督遼東軍務時遼東守將屢失機  
朝廷以為憂乃命翱往督之令便宜行事翱至守將以下  
庭恭翱詰責玩寇失機故將斬之再三哀請乃已于是三  
軍股栗莫敢不用命踰月躬出巡邊自山海關直抵開原  
高牆垣深溝塹五里為堡十里為屯烽燧斥埃珠連壁貫  
仍簡閱戍卒更老弱賑貧窮配鰥寡俾成室家謂邊境不  
可以法律治凡詞訟專用贖法無問輕重量情以布緡絀  
累贖罪雖人命亦令償之曰償命無益死者之家而財或

足以濟其用在遼數年措置糧數萬石銀萬餘兩馬千餘匹邊用充足。罷械鮮利軍士飽煖人樂戰守。

六月少師工部尚書吳中卒。

中山東武城人以國子生積官今職性貪鄙其妻嚴正一日迎詰其妻拜畢呼子曰將吳中一袖詰來宜之我聽問左右曰此詰詞是王上自言耶是翰林代草耶曰亦翰林代草也嘆曰翰林先生果不虛矣吳中一喘詰文止說他平生為人何嘗有清廉二字中聞之雖悲強笑容而已。

七月擢兵科都給事中王永和為工部右侍郎。

永和初為教官後任兵科時力營建諸司廨署嚴禁事殷選勤厚平恕知大體能撫治者任之廷臣多舉永和

始置戶部太倉庫。

聖賢雜誌  
以子格之  
可謂也

樂道有文  
入氣

冬十月 太皇太后張氏崩 諡曰誠孝昭皇后

按校山野記 太后大漸召內閣諸臣至 延尚有伺大事未辨者 楊士奇對曰 有一二事 其一 建文君雖已滅 而臨御四年 當命史官修其 仍用建文年號 太后曰 曆日已革 除之 豈可復用 對曰 曆日行于一時 實錄萬世信史 豈可棄洪武之年 之 太后頷之 二 方奉 臨已誅 文皇帝詔 收其片言 雙字者 論死 乞弛其禁 又辭不係國事者 聽令存之 太后默然 未答 士奇等即趨下 叩頭 稱父願命而出 按此記 楊文貞于所對言 議其正 第不識當時果有此言 否 竊疑文貞累朝元老 自法歷來 即得君行 政言 雖計從 使果有此意 何不干 仁直二祖 時言之 何不于正統初年言之 直待太后臨崩 而已 亦老期 依率乃言之 乎 按山此記 當出于傳聞 然其詞詎則其確足為正論 亦 惟方氏文字久已弛禁 梓行 第首一事 尚有待耳

復命定西侯蔣貴充總兵官 靖遠伯王驥兼兵部尚書 提督軍務 討麓川 緬甸 先是思任發既敗 走緬甸 大軍還復

出爲寇命貴驥再督諸軍往征之至雲南檄緬甸令縛送  
思任發緬人懷詐黨惡匿思任發不遣貴等促兵攻緬破  
之思任發復遁去俘其妻子旋師加貴驥歲祿各三百石  
癸亥 正統八年

四月雷擊奉天殿鴟吻詔羣臣言得失侍講劉球上言下  
獄錦衣指揮馬順以計殺球一日五更順携一小校前持  
球球知有變大呼曰太祖太宗之靈在天汝何得擅殺球  
小校持刀斷球頸流血被體屹立不動

按小校盧氏人初爲馬順所迫后慙天悔恨不已未幾  
死馬順子發征戍代球數順罪一時謂爲球所惡而害  
其情焉

下大理少卿薛瑄獄除名爲民

初王振同于楊士奇吾鄉人誰可大用者士奇薦瑄所召爲大理少卿瑄至京帝往謝會指揮某死妾有邑姪王山欲娶之妻持不可妾因誣告妻毒殺其夫部察院問已誣服瑄辨其冤駁還之部御史王文怒譖瑄故出人人罪繫獄瑄慨然曰辨寃復咎死何懼焉持問易誦讀不廢至奏將決大臣有甲救之者得免除名放歸里

南京國子監祭酒陳敬宗九載考績至京王振素慕敬宗名托巡撫周忱往道其欲見之意敬宗辭他日乃遣緣段羊酒求書程子四箴希彼往謝敬宗爲走筆書之而反其禮幣竟不一見十八年不得遷敬宗浙江慈谿人○册立皇后錢氏○瓦剌太師順寧王脫歡死于也先嗣自脫歡

殺阿魯台併吞諸部勢浸強盛至也先益橫屢犯塞○召  
巡撫陝西右都御史陳鑑還轉左都御史掌院事

十月徙封鄭靖王于懷慶○宣德廢后靜慈仙師胡氏薨  
○楊士奇子楊稷有罪逮繫法司論死

天順日錄記士奇晚年溺愛其子莫知其惡已而有奏  
其人命數十朝廷不得已付之法司時士奇老病不能  
起朝廷猶安慰之士奇始論其子於法新  
之鄉人預為祭文數其惡天下傳誦焉

甲子 正統九年

正月新建太學成 上臨幸祇謁先聖行釋奠禮先是太  
學猶因元陋吏部主事李賢上言 國家建都北京以來  
所廢弛者莫甚于太學所創新者莫多于佛寺舉措如是

通之以新

可謂外矣。若重修太學，雖極壯麗，不過一佛寺之費。諸及

時修舉，以致養賢及民之效，從之。

三月，少師大學士楊士奇卒，年八十，贈太師，謚文貞。所著有沙羨彙、文籍志、東里集諸書。

楊文貞薦達士類，多陟清華。吾蘇一郡，益有三人。尚書揚者，都憲吳納檢討陳繼，陳初教書儒生。文貞初不相識，惟於周文襄處見其一詩，遂薦之。亦今人所不能及者。

何孟春曰：權衡之地，鉢兩可移。勢之所使，不言而喻。楊文貞在閤時，其婿來京，久之，當歸，念無囊資，會有知府某犯罪，千萬貫，賂其婿數千，求救。時某知府已入都察院獄，文貞不得已，於該道當問理日，遣一吏持盒食至院云：楊少師與某知府送飯。該道官遂執下獄。釋某知府刑具，候其飯果。凡事一切聽令分雪，遂得還職。我衙不立宰相，然內閣之權養如此。

三殿既成宴百官

四月大旱遣官請雨于岳鎮海濱

五月以刑部右侍郎楊寧叅贊雲南軍務

六月浙西大水

七月兀良哈三衛夷人寇邊發兵二十萬討之分爲四軍

成國公朱勇出喜峯口由中路左都督馬諒出界嶺口由

北路興安伯徐亨出劉家口由南路都督陳懷出古北口

由西北路踰灤河渡柳河經大小興州過神樹至全寧遇

福餘逆戰走之次虎頭山遇泰寧朵顏又擊敗之御史姚

鵬上其功詔加勇太保亨進封興安侯諒封招遠伯懷平



卿伯餘進爵有差

乙丑 正統十年

正月宴天下來朝賢能官布政使丁鑑等于禮部鑑等廉能著稱治行超卓上特加勅諭獎賞各賜衣一襲鈔百錠賜宴于禮部復任後吏部遇缺擢用

按此實旌勵循良盛典祖宗朝間一行之今日遂爲定制舉者未必得人凡復任者又通給勅諭無復旌別而賢否混淆矣

命官清理壩上大馬房諸處草場侵占無紀上聞賜內官地一頃內使淨軍五十祔餘悉還官歲差科道巡視二月會試天下舉人命翰林學士錢習禮侍講學士馬愉

爲考試官、取商輅等一百三十人、

三月廷試、賜商輅周洪謨劉俊等進士及第、出身有差、

商輅浙江淳安人、宋朝舉三元者、凡三人、而我朝取三元者、惟商輅官至內閣、秩一品、事業爲時名臣、初文運惟江西獨盛、故有翰林多吉水、朝內半江西之謠、此後浙省遂盛于天下、江西稍不及、

始命內閣官與各衙門會議大政、宣德以前、每有大事、與羣臣面議、傳旨施行、不待批荅、上嗣位、幼冲、面議遂廢、

至是始命廷臣內閣會議、具本奏決、○命禮部右侍郎兼侍講學士王英、代祀南鎮、時浙江台寧等府久旱、民遭疫、歿甚衆、乃遣英齎香幣、往祀南鎮、以禳民瘼、英至紹興、大雨、水深二尺、灌獻之夕、雨止、見星、明日又大、雨、田塍沾足、

人皆喜曰此侍郎雨也布政使孫原貞等陪祀乃爲御祭  
感應記刻石于廟

丙寅

正統十一年

三月降巡撫河南山西兵部侍郎于謙爲大理少卿仍舊  
巡撫謙巡撫二省十餘年上章舉叅政孫原貞王來以自  
代忤王振意嗾言官劾其擅舉自代之罪降職罷巡撫二  
省之民咸赴闕懇留乃復命巡撫

水東日記于節庵每入京議事未嘗有土物賄當路作  
人常誦其詩曰手帕酥姑與線香本資民用反爲殃清  
風兩袖朝天去免得閭閻話短長以此不能媚權貴在鎮凡十有八年

七月少保大學士楊溥卒年七十五謚文定

牙聖所不

我國難記一楊文定在內閣時其子某日石首備言所  
是時縣官迎送從遣之勤誰正陵知縣所理頗不為禮  
海國而異之後廉知其賢即薦知陵安府再擢貴州布  
政使或勸理宜致書謝理曰宰相為朝廷用人非私于  
理聞海京乃祭而哭之以謝知已二公可謂兩賢李世  
錦等成風何處尋討此等人物國史謂三膠同為相士  
奇有相業禁有相體  
海京相度確說也

十月 上閱武于近郊

丁卯 正統十二年

春詔選翰林院官十人入東閣習制詔讀中秘書侍經筵  
選講讀以下儀表俊偉有才望者于是侍講汪淵裴綸侍  
讀杜寧謝璉王玉修撰劉儼商輅編修陳文呂原李詔劉  
俊等皆預焉朝廷意欲儲之以備他日內閣之選也○許

祭酒李時勉致仕以蕭鉉代之○巡撫大同宣府總督屯種都御史羅亨信上言虜酋也先專俟釁端圖爲入寇宜預於直北要害增置城衛及修各衛土城備之不然恐貽大患議者寢不行時叅將石亨欲以大同四州七縣之民三丁取一爲兵軍餘盡撥屯種量畝起科亨信奏言北虜方驕邊民疲甚加以邊地饑薄若如所言是絕其衣食而逼其逃竄也且當今事急正宜布恩信以結人心苟絕其衣食未冇得其心者詔從之

當時邊患雖烈公孫瓚公孫康信議于未然而悉  
提言之而普于王辰雲然信竟也

復于謙兵部右侍郎留理部事先是謙丁父喪詔起復之

疏乞終制不允遣行人汪琰諭祭營葬事畢還朝陛見  
遂復前職留京既而復聞母喪朝廷以邊事方殷仍命起  
復以都督僉事石亨爲左叅將守萬全

亨伯父嚴寬河衛指揮僉事無子亨嗣之善騎射有膽  
略提大刀輪舞如飛每從征挺刃當先輒立奇功累陞  
都指揮使姪彪亦驍勇能挽強弓善揮斧以官舍從亨  
有功授大同衛鎮撫是年亨陞都督僉事爲大同左叅  
將守萬全彪亦陞  
指揮使從亨參謀

七月河決張秋潰沙灣入海尋決榮澤入淮○下霸州知  
州張需獄謫戍邊需才長於治民先佐鄭州有聲泊守霸  
州見其民游食者多每日置一簿列其戶各報男女大小口  
數派其合種粟麥桑棗紡績之具鷄豚之數偏曉示之既

則下鄉至其戶簿驗之缺者罰之於是民皆勤力無游惰者不一年俱有恆產生理日滋後朝覲至京遂受旌異之賜時畿內蝗作捕之有法吏部侍郎魏驥巡至其郡異之下其法于諸郡人肯便之有牧馬者擾其民需笞之領牧者詰之于振捕之下獄箠楚幾至于死竟謫戍邊城人咸惜之而莫能救也

戊辰 正統十三年

二月會試天下舉人命工部侍郎兼學士尚穀侍講杜寧爲考官取中岳正等一百五十人

三月廷試賜彭時陳鑑岳正等進士及第出身有差特以

進士為庶吉士止選北方及蜀士被選者萬安劉翊劉吉  
李泰等二十人○時狀元彭時上表謝恩之久坐以俟且  
隨凡竊竟失朝糾儀御史奏令錦衣衛拿已得肯允禮  
部尚書胡滂出班奏狀元彭時不到合着錦衣衛尋上  
是之時得免拘執人謂淡得大體

四月福建沙縣民鄧茂七反僭稱閩王遣都督劉聚等討  
之

先是巡閩御史柳華檄各郡縣令鄉村各置隘門望樓  
編鄉民為什伍設總小甲統率之以防禦寇盜不從令  
者聽總小甲究治由是總小甲各得自恣號召鄉民無  
敢違者茂七與弟茂八皆編為總甲嘗佃人田劍下給  
租外饒田主薪米雞鴨茂七始倡眾革之又以給租違  
者令州庄自運歸田主不其訴于縣縣遣茂七不至乃



下廷檢司追攝之拒殺弓兵數人縣聞于主司調官軍  
三百人與之格鬥殺傷殆盡遂刑白馬斬重等宋舉兵  
反他縣游民皆舉金鼓響應之烏合至十萬餘人僭  
稱王署官職入閩聚勦詔遣都督劉聚為總兵都督陳  
詔劉得新為左右參將會  
都御史張楷監軍討之

秋七月處州賊葉宗留反征閩官軍遇之與戰不利都督  
陳詔戰敗死遣工部尚書石璞都督徐恭督諸軍討之○  
河決滎陽東過開封城之西南經陳留自亳入渦口又經  
蒙城至懷遠界入于淮

按河決之患三代已然漢文帝時河決酸棗武帝而後  
則決于瓠子決于滎陽分為屯氏河東北入海至元成  
時河始決東郡分流于博州後又大平原決渤海決清  
河決信都皆東北並青冀之境且連于海自東漢歷魏  
晉隋唐以及宋初並歸河患迄宋仁宗至和間河始決  
大名神宗熙寧始決于瓠子○

東滙于梁山梁分爲二派一入南清河入于淮一合北清河入于海黃河入淮自茲始矣舊黃河在開封城北四十里至我朝洪武二十四年河決原武東經開封城北五里又南行至項城經潁州潁上縣東壽州正陽鎮全入于淮而故道遂淤至是又決榮陽過開封城之西南而城北之新河又淤自是汴城在河之北矣隋唐以前河自河淮自淮各自入海宋中葉以降河合于淮以趨海矣此古今河道遷徙不同之大畧然前代河決不過壞民田廬而已我朝河決則慮并妨漕運而關係國計故我朝治河視前代爲尤急

冬靖遠伯王驥督兵破雲南叛夷思稅驂等于孟養寨時麓川思任發子思機發思上發二葉復據孟養跳梁爲患朝廷復命驥總督軍務以都督官聚充總兵張軌田禮爲副調土漢夷兵十三萬以行十月我軍抵金沙江賊柵西岸以拒驥作浮梁渡兵攻破之乘勝進至孟養賊飲泉據

外是兵力  
有餘

鬼哭山及芒崖山等寨皆攻拔之斬獲無算而貴州都指揮洛宜九溪衛指揮翟亨等亦戰死于陣二孽竟失所在疑死于亂兵大軍驗孟養至孟那等處而還驥還增祿百石賜券令世襲

按孟養在金沙江西去麓川千餘里諸夷酋皆震怖相謂曰自古漢人無渡金沙江者今大軍至此真天威也守備處州監察御史朱瑛誅賊黨周明松等先是葉宗留與其黨陳諫胡陶得二糾衆作亂屢敗官兵殺都指揮紀綱遣明松等四出剽掠時承平日久民不識兵革及是寇起勢熾東南震駭朝廷慮其與閩寇合發兵征之命瑛與中官分守要地瑛榜諭脇從示以禍福降者甚衆以計

生致明松等數人械于慶元謀報賊首黑面大王顏衆三萬來劫明松等中官大懼欲走瑛不可卽誅明松等尸于市賊聞之逡巡遁去

皇明從信錄卷十八

終

皇明從信錄卷之十九

東莞 陳 建輯

秀水沈國元訂

巳巳 正統十四年

正月頒巳巳大統曆

岳正論曰巳巳大統曆書二至之晷有晝夜六十一刻  
之文予怪其故退而求古諸家曆法無有也夫天行最  
健日次之月又次之以月會日以日會天天運常舒日  
月常縮曆家以其舒者縮者之中氣置閏以定分至然  
後以三百六十五日四分日之一之日乘除之積三歲  
而得三十二日五十九刻者其法常活以三百六十五  
度四分度之一天分南北二極日行中道冬至行極南  
至牽牛得四十刻為日短夏至行極北至東井為日長  
春分秋分則行南北中東至角西至奎為晝夜均古以  
差者得其所以其變者立差法以權衡之則變者常通而  
未與夫曆日星政之所先求也苟以故習察之徒無異

其本平復果  
有土木之變。

討閩寇先是陳韶既敗師旋賊勢益熾遂圍延平汀州乃  
命寧陽侯陳懋懋征夷將軍印充總兵官保定侯梁瑄平  
江伯陳豫爲左右副總兵都督范雄董典爲左右叅將刑  
部尚書金濂叅贊軍務復命曹吉祥陳蕪監軍御史張海  
丁瑄紀功大發兵討之○鄧茂七寇建寧掌府事福建左  
叅政張瑛戰死瑛初知建寧府存心愛民多善政進叅政  
仍掌府事至是茂七寇城瑛親率兵拒戰陷陣死○

二月鄧茂七寇延平中流矢死賊黨推茂七兄子伯孫爲  
主○北虜寇邊時虜酋也先遣使二千餘人進馬報三千

總是要鄉  
數萬何如  
徒只請而  
火一死戰  
勝負未可  
知也昔人  
軍取則而  
不事憐以  
此

人王振怒其詐、減去馬價、虜使回報、遂失和好、發兵寇邊。  
○貴州苗反、總督軍務兵部侍郎侯璉、副總兵都督方璚、  
率兵討之、

彭韶曰：先是麓川之役、朝議皆以爲不可、獨王振與王  
驥主之、盡調雲南貴州兵以行、連兵十萬、陞陝萬數、而  
夾首終通誅、將士多死傷、大軍未班、列衛空虛、苗獠乘  
間竊發、攻圍城堡、于是貴州東路閉矣、驥與都督官聚  
張執等、先後擄歸、師所至、人遮泣乞通、道皆曰：吾征麓  
寇、不受命殺苗也、去之、苗前截後殲、我軍無復紀、隸死  
亡數萬、執等僅以身免、諸城被圍、歲餘乃解、餓死者大  
半、而東南因之騷動、驥輩不得辭其責矣、惜哉、昔唐天  
寶之盛、而有事雲南、今我正統之盛、亦以麓寶爲意、  
世道陞降之機、無乃有數存焉、吾于是不能無感、

陞巡撫南直隸工部左侍郎周忱戶部尚書、

天順日錄記周忱如、謀慮深長、理財無出其右、亦善于  
附勢、其時王振極重之、官遂其地者無虛日、人人得其

三月擢監察御史韓雍爲右僉都御史巡撫江西

雅矣縣人才識馳敏氣明敏爲先巡按江西有聲吏民  
奏留重按一年回京沒擢僉都巡撫時雍後卜都府  
民情吏治素所諳練風采凜然恩威大著凡有奏事  
動發數百言皆引經據律無一語疎濬設施最愷與情  
其後官民皆遵守  
之號曰韓都御

浙江僉事陶成招賊首葉宗留陳諫胡降之擢成按察副使時都督徐恭尚書石璞等屯師日久賊深入險阻乘間時出官軍調集又復遠遁師老財費計咸莫知所出成請招諭之乃從僕隸四五人徑抵賊巢諭以禍福言辭懇惻宗留等環聽悚動悔悟率其黨出降惟陶得二不受招殺



使者引餘黨遁入山中。○清理刑獄時春夏不雨。議會審獄四以消天變。上命太監金瑛同三法司堂上官審之。按此內臣五年審錄之始也。出則勅張黃蓋騎道于大理寺爲三尺境。中坐尚書以下俱左右列坐。王驥擒苗虫富檻送京師。伏誅。尋召驥還。

五月。湖廣苗反。右都御史王來保定伯梁珪率兵討之。○徐恭進兵討處賊。敗績。三司官沈麟取定。王成皆歿。

六月。南京宮殿災。是月丙辰夜。雷電大震。風雨驟作。殿火起。延及奉天華蓋二殿。奉天諸門皆燬盡。下詔赦天下。

天順日錄記。自王振擅權于上。天象災異疊見。不勝枚舉。災甚。且詳言災異。將浙江。山東。山西。河南。等處。

武當大  
師  
六月  
八月  
九月  
十月  
十一月  
十二月

民告于官不敢聞又地動白毛編生秦之  
二處山崩壓沒人家數十戶一處山後有  
數里不敢詳奏又黃河改徙東流于海  
戶又振宅新起于山府乾方未喻時一大  
殿宇一火而盡是夜大雨明日殿基十  
始下詔赦盜不可遇惶不可滅天意不可  
大舉犯關矣

前少保大學士致仕黃淮卒謚文簡○張楷撫平浙賊進  
師

七月焚惑入南斗

時侍講徐臣蘇州人頗知天文私語其友劉溥以不親  
久之不退舍皆曰禍不遠矣亟命妻孥南歸皆重遷有  
難色臣怒曰爾不急去  
直待作難乎婦耶乃行

北虜也先大舉入寇大同兵失利還塞城堡多陷沒孽息

清教曰沐  
賜不長安  
笑人之恥  
信不可不  
謹

甚急王振不與大臣議扶天子帥師親往百官伏闕上  
章懇留不從是月十七日駕行太監金瑛輔郕王居  
守文武大臣皆勿勿隨行官軍及私屬共五十餘萬人由  
居庸關過淮來至宣府連日非風則雨人情恟恟聲息愈  
急邊將井原等敗報踵至隨駕文臣連上章留之振怒皆  
令掠陣未至大同兵士已乏糧僵屍滿路寇亦設備待戰  
深入至大同振又欲進兵北行益急迫脇成國公朱勇勝  
行聽命戶部尚書王佐竟日跪伏草中惟欽天監正該  
清兵振曰象緯示警不可復前若有疎虞陷乘輿正  
莽誰執其咎學士曹鼐曰臣子固不足惜

王佐繫案

安危豈可輕進振怒晉之曰倘有此亦天命也會暮有黑  
雲如織營雷雨大作滿營人皆驚懼振惡之會前軍西寧  
侯宋瑛武進伯朱冕全軍覆沒鎮大同中官郭敬密言于  
振其勢決不可行振始有回意明日班師大同副總兵郭  
登謂駕宜從紫荆關入庶保無虞振不聽

八月既望我師敗績于土木上北狩先數日師過雞鳴  
山虜追至遣朱勇率兵五萬禦之勇無謀進軍鷄兒嶺虜  
于山下兩翼邀阻夾攻殺之殆盡兵部尚書鄒野請車  
駕疾驅入關而嚴兵爲殿振怒曰爾豈儒安知兵事次日  
駕至土木日尚未哺去懷來城二十里欲入保懷來振謂

重千餘輛在後、未至、留待之、遂駐土木、傍無水泉、十四日、欲行、虜已逼、四面合圍、大營、不敢動、至十五日、將午、人馬不飲水已二日、渴極掘井、深二丈、無水、虜見我營不行、偪退圍、遣使持書來通和、召曹鼐、草勅與和、遣二通事與虜使偕往、振急傳令移營南行、旣行、未三四里、虜復四面追之、兵士爭先奔走、行列大亂、勢不能止、虜騎蹙陣而入、奮長刀以砍我兵、大呼解甲投刃者不殺、衆裸袒相蹈籍死、蔽野塞川、宦侍虎賁、矢被體如蜩毛、上與親兵乘馬突圍不得出、虜擁以去、百官死者英國公張輔、尚書鄭野、王佐、學士曹鼐、張益而下、數百人、其幸免者、蓬頭赤身、踰山

陞谷連日飢餓幸得達關驛馬二十餘義并衣戰器械輜重盡爲胡人所得○虜酋也先奉 上居知院伯顏帖木兒營我師旣敗績 上乃下馬盤膝面南坐有一虜鬻衣甲不與將爲不軌其兄來曰此非凡人舉動自別乃以見也先之弟賽刊王 上問曰子其也先乎其伯顏帖木兒乎賽刊王乎大同王乎聞其語大驚馳見也先曰部下獲一人甚異得非 大明天子乎也先乃召曾使中國二人問是否一人見大驚曰是也也先曰我嘗祝天求大元一統天下今乃落我手問衆何以爲計其中一胡名乃公大言曰大元之仇今天以賜我不如殺之伯顏帖木兒大怒

北齊書  
卷八

呼也先爲那顏那顏華言大人也安用此人在傍開口惟  
其面曰去那顏只欲留萬世美名大明天子雲端裏坐不  
知上天何故摧下之萬衆死亡之中鐵矢不沾寸兵不染  
吾知天意之有在也且我等嘗受其賜九龍蟒龍猶在安  
得害之當報中國遣使來迎還之一旦復坐寶位之上豈  
不有萬世美名時衆虜皆曰者胡語云者然辭也于是也  
先以 上送伯顏帖木兒營令護之伯顏也先弟也○十  
七日 上北狩報至京師大震是日 皇太后遣使齎黃  
金珠玉袞龍段疋等物駝以八馬詣也先營請還車駕○  
十八日皇太后召百官入集闕下命 郕王權總萬機于

午門南面見百官啟事奏令施行○二十日 皇太后  
立 皇長子 御名見深爲皇太子時年二歲仍命 郝  
王爲輔代總國政撫安天下○二十二日百官奏請族誅  
王振而衆官毆殺奸臣馬順于朝 郝王令旨族誅王振  
家是日早朝六部及科道官交章劾王振擅權誤國之罪  
郝王諭以朝廷自有處置百官言振罪惡滔天傾危宗社  
今日若不速正典刑滅其族何以安慰人心因慟哭聲徹  
中外 王起入內使將闕門衆隨擁入太監金瑛傳令旨  
且退衆奮欲梓英英懼復傳旨言籍沒王振等家英脫身  
入錦衣衛指揮馬順從旁叱各官起去給事中王竑憤起



梓馬順首曰。順平昔助振爲惡。禍延生靈。今日至此。尚不知警。真奸黨也。衆爭毆之。蹴踏搶裂。頃刻而斃。血流于庭中。復索振所親信長隨王毛二人。亦毆殺之。都御史陳繼奉令旨。籍振家。并其黨。執振姪錦衣衛指揮王山至。反接跪于庭。衆共唾罵之。是時衆競誼譁。班行雜亂。無復朝儀。文武諸大臣皆驚避。王亦疑懼。屢起欲退還宮。兵部侍郎于謙直前扶掖勸止之。且請降令旨。馬順罪惡應死。勿論。獎百官各歸蒞事。皆拜謝而出。時過午刻矣。明日移王座入奉議門左。受朝。由此即真之議益急。振家在京城內外凡數處。重堂邃閣。擬于宸居。器服綺麗。上方不逮玉盤。繼

尺者十面珊瑚樹高六七尺金銀十餘庫鑄山于市其族  
屬無少長皆斬○皇太后命以千謙爲兵部尚書○二十  
三日虜擁上至大同城下索金幣約賂至卽歸駕都  
督郭登閉門不納上傳旨曰朕與登有姻婭何外朕若  
此登遣人傳奏曰臣奉命守城不敢擅啟閉隨侍校尉袁  
彬以頭觸門大呼于是廣寧伯劉安等括公私金銀共萬  
餘兩出迎駕旣獻虜笑不應竟擁駕去初虜來索賂  
郭登曰虜紿我耳莫若以計伐其謀劫其營奪駕入城此  
爲上策乃謀以壯士七十餘人餉之食令奮前執其弓矢  
因擁駕還召壯士與之盟激以忠義約事成高爵厚賞士

皆奮躍用命、已書券給之、會有阻者、旣淹久、虜驚遽而去。  
○上旣陷虜營、也先屢欲謀害、是夜忽大雷雨、震死也先。  
所乘青驕馬、上令袁彬出帳房外窺視、但見赤光罩定、  
御帳虜謀乃沮、又雪夜令人行刺、其人見一大蟒蛇遮護、  
帳外畏怖而去、虜人由是益加敬禮焉、袁彬者錦衣校尉、  
頗知書識字、爲虜所掠、得侍上左右、又有哈銘者、先隨、  
使臣吳良羈留在彼、至是亦隨侍焉、駕留虜庭、維持調護、  
以至旋軫、二人之力居多。○二十八日、上至野松林、也  
先營在焉、上入營坐、也先拜稽首、乃侍坐、宰馬設宴、其  
妻妾以次奉、上酒、歌舞以爲娛、復居伯顏帖木兒營、伯

顏與妻見上亦如也先禮每二日獻羊七日獻牛或馬逐  
日進牛乳馬乳二人每出獵則又以其所獲野牛黃牛之  
類來獻又進窩兒帳房一頂差達婦管起管下○二十九  
日皇太后遣太監金瑛傳旨皇太子幼冲未能踐祚  
遽理萬幾邸王年長宜早正大位以安國家議者亦以  
時方多故人心危疑思得長君以弭禍亂于是文武百官  
交章勸進擇日行禮○是日令旨命翰林修撰商輅彭時  
入內閣辦事○廣州盜黃蕭養圍廣州殺副總兵都指揮  
使王清

蕭養者南海冲鶴堡人貌甚陋眇一目而有智數生靈  
盜在郡獄踰年所卧竹床皮忽青色蕭生竹葉同林者

江西一商人謂曰北淮瑯之寇敢以不軌使人藏利斧  
臥偏中時胸鎗越獄而出凡十九人其黨縱舟以待遂  
遁入海甯果萃盜旬日門至萬餘人至是攻圍郡城官  
軍禦之賊爲所敗城中死者如坐制雲梯公率衝  
城幾爲所破相誘恩民漸至十餘萬王清自高州引兵  
赴援至沙角岸舟膠淺水有小艇載柴及鹽魚者奔逆  
若避賊狀官軍問藺養所在言未脫口伏兵出柴中擒  
清盡燬其軍賊遂清至城下使諭衆開門降清馬賊而  
死蕭養既屢勝遂僭號稱東陽王紀元  
據五羊驛爲行宮招僞言者百餘人

九月朔也先遣使來言欲送 上還京師使回以金百兩  
銀二百兩綵段若干賜也先○是月六日 郕王卽皇帝  
位進尊 上爲太上皇帝大赦天下改明年爲景泰元年  
于是天下始知有君朝綱始肅法令始行○也先復遣使  
至書辭悖慢兵部尚書于謙見 帝泣言曰虜賊不道氣

漸志得將有長驅深入之勢不可不預爲計。通者各營糧  
銳盡遣隨征軍資器械十不存一。宜急遣官分投召募營  
舍餘丁義勇起集附近民夫更替沿河漕運官軍令其番  
隸神機等營操練聽用。仍令工部齊集物料內外局廠並  
夜併工成造攻戰器具。京師九門宜用都督孫鏗衛穎等  
統領兵士出城守護。列營操練以振軍威。選給事中御史  
如王竑輩分投巡視勿致疎虞。徙郭外居民于城內隨地  
安插毋爲虜所掠。通州霸上倉糧不可損并以資寇。宜令  
在伍人員悉詣關支准作月糧之數實爲兩得。帝皆嘉  
納施行之。○擢鄆府左長史儀銘爲禮部左侍郎右長史

楊翥爲兵部右侍郎審理正俞綱爲太僕卿審理副俞儼  
遷僉都御史伴讀俞山爲鴻臚寺丞楊興爲戶部郎中先  
是帝在邸邸吏部奉勅擇儒官爲官僚人皆托故避之  
銘等不得已而就銘由翰林侍讀翥由修撰爲長史綱及  
儼由中書舍人爲審理山與興由訓導爲伴讀皆不由科  
目發身者後銘終太子太保兵部尚書翥終禮部尚書山  
歷吏部侍郎興至戶部侍郎綱遂入內閣加太子少保○  
擢兵部郎中羅通給事中孫祥皆爲副都御史分守居庸  
紫荆等關○命侍講徐理楊鼎檢討王珣等行監察御史  
○鎮河南山東等處要地撫安軍民○始令各處招募民

壯就命本地官司率領操練。遇警調用。○命武清伯石琚  
總京師兵馬。享有威望。方面鉅軀。嶺垂至。騰望之。竦然先  
協守萬全。坐不救。乘輿械繫詔獄。放出之。使總京師兵馬  
退虜贖罪。

十月朔也。先以送。上皇還京爲名。與其可汗脫脫不花  
入寇。紫荆關京師戒嚴。先是內侍喜寧胡種也。土木之敗  
降也。先盡以中國虛實告之。遂爲鄉導。奉。上皇自紫荆  
關入。敗我師。殺指揮韓清等。都御史孫祥走死。朝野洶洶。  
人無固志。太監金瑛召廷臣問計。侍講徐瑾以占象倡言。  
京師不可守。必須南遷。瑛叱之。令人扶出。明日于謙上疏。



吳越

青史決不  
負人

抗言京師天下根本。宗廟社稷寢陵咸在。百官萬姓。幣  
藏倉儲咸在。若一動。則大勢盡去。宋南渡之事。可鑒矣。一  
步不得離此。瑛是謙言。宣言于眾曰。死則君臣同一處死  
耳。有以遷都為言者。上命必誅之。乃出榜曉諭。眾心稍  
定。固守之議始決。

陳建曰。水東日記云。己巳之變。徐元王最負有時名。太  
監金英趣問計。以南遷對。瑛然前成山戍王通亦以  
挑蔡京師外城。濠為太監與安所辭。二事似皆未為得  
也。身游逸史曰。奎與北狩。狂虜宸憊。一時文臣武將。隨  
喪賸落。無任張皇。而一二內臣如瑛如安。乃能澗機卓  
見。鎮之以靜。不少為浮議所搖。屹然如山。不震不懼。惟  
轉其君以遷。將練兵。委任于謙。不亭輩以嚴守之。義卒  
之神器。幾危而復安。天下將亂。而復治。雖謂之朝廷有  
人。猶可。不可以為宦者而沒其善也。是時使非二人堅  
定以固帝心。于內則聲外存于謙。數百輩亦無知之何

而宋南渡之禍立至矣。宋高宗時，將相彬彬有人，雖在帝左右，無英安匹。所以李綱、宗澤之才，無所施其長。新之不為趙宋其機，只爭毫髮，嗚呼！是豈人所能為也哉。

時承平日久，城外壩上等處倉場草束荳料堆積，動以數百萬計。于謙聞虜臨關，急分遣五城兵馬司縱火焚燒。一面奏聞，或謂事重，何不待詔。謙曰：「事有經權，今寇在目前，若少緩待命下，適以資虜也。此持久坐困於我，非計也。」

于公此舉，監趙宋時，金人圍汴，據半駝關之事也。

初九日，虜長驅至京城西北關外，焚我長陵、獻陵、景陵，命石亨等軍于城北。于謙督其軍都督孫鏜軍于城西，刑部侍郎江淵參其軍，皆背城而陣，以交趾舊將王通為都督。

遠風直子  
也

背教守志  
務不為父  
風

與都御史楊善守城時衆論戰守不一陳循等言兵敗之  
餘宜固守且賊乘勝遠來勢必難久可伏兵歸路擊之尚  
寶司丞夏瑄陳四策謂虜乘勝遠聞其鋒不可當然能野  
戰短于攻城且堅壁勿戰使進無所得退復氣沮然後出  
奇設伏諸道奮擊破之一謂虜深入吾地宜令死士夜襲  
其營令各伏內地以待追者一謂虜既舉國入寇邊無所  
禦宜調邊兵之半入捍京城內外夾攻彼將自潰一謂我  
軍依城爲營進兵死闘退有所歸宜嚴號令以堅其志如  
以三隊爲法前隊戰退令中隊悉斬以徇容而不斬者同  
罪則士畏法而不畏敵矣詔趣行其策○召宜府遼東兵

入援石亨等與虜戰敗之也先夜遁復奉 上皇北去虜  
既抵城下連日攻城四散抄掠亨等與之戰殺傷相當虜  
知我有備少沮喜寧嗾也先遣使來議和索大臣出迎駕  
衆知其詐以通政司叅議王復爲禮部侍郎中書舍人趙  
榮爲鴻臚寺卿出迎復等至虜營露刀夾之見 上皇及  
也先也先謂爾等皆小官可令胡濙王直于謙石亨楊善  
等來復辭歸 上皇諭二人曰彼無善意爾等宜急去二  
人方回而虜復縱騎四面標掠攻城益急石亨執弓厲聲  
曰宰相不出計策莫能及矣先是陳循等疏請勅宣府遼  
東總兵楊洪曹義各選勁騎與官軍夾擊至是又請爲

聖旨榜文敷道諭回回轆轤及漢人有能擒斬也先來獻者賞萬金封國公復寫書作喜寧與司禮監太監興安云約誘也先入寇宜乘其孤軍合兵勦殺詔許之爲也先邏卒所獲既而宣府遼東兵至我軍大振石亨與其從子彪等挺刀持巨斧突入虜陣所向披靡管神機營都督范廣以飛鎗火箭殺傷甚衆也先連夜遁復以上皇北去是月十五日也脫脫不花聞之遂不敢入關亦北遁上皇出紫荆關連日雨雪乘馬踏雪而行上下艱難遇險則袁彬執持哈銘亦隨之既入虜境也先來見宰馬拔刀割肉燎以進云勿憂終當送還食訖辭去○脫脫不花遣使來

提古以來  
肯然大可  
嘆像

只是才復

獻。議。和。朝廷。和。之。胡。漢。王。直。言。脫。不。花。也。先。君。臣。  
書。不。睦。宜。受。其。獻。以。聞。之。從。其。言。使。人。入。見。賜。衣。服。酒。餼。  
金。帛。視。常。年。有。加。○。二。十。二。日。遣。都。督。楊。洪。孫。鍾。范。廣。等。  
率。兵。二。萬。擊。餘。虜。之。未。去。者。遂。破。虜。于。固。安。逐。至。關。蓋。藏。  
之。奪。回。人。口。萬。餘。其。實。胡。人。不。過。百。餘。騎。散。掠。各。郡。驅。人。  
畜。以。自。擁。衛。望。之。若。萬。衆。然。猶。殺。官。軍。數。百。人。洪。子。俊。幾。  
爲。所。殺。○。命。都。指。揮。董。寬。帥。兵。督。河。間。瀋。陽。等。衛。緝。捕。盜。  
賊。時。舊。降。虜。安。置。畿。內。者。乘。時。並。起。爲。盜。故。也。○。改。戶。部。  
尚。書。周。忱。爲。工。部。尚。書。仍。巡。撫。南。直。隸。時。蘇。松。糧。運。不。繼。  
仍。命。忱。巡。撫。添。撥。民。運。數。百。萬。石。承。造。軍。器。數。萬。件。皆。辦。

次發運未嘗愆期

名臣錄記時邊事緊急下部移文成造堅甲腰刀以數萬計其歷俱要水磨明亮同公吃取所積餘米依數成造且計水磨明歷非歲月不可暫令擬錫以副急用又項殺錄記正統間宮殿當繕繕計用牛膠萬餘斤遣官勸勅命周公恂如供辦時公以議事赴京遇諸奎勅使請公還治公曰第行自有處至京言京庫所貯皮張歲久朽腐請出煎膠應用回治即撥餘米買皮照數補納以折易舊兩得便利其處事周而敏多類此

監察御史練綱上中興要務八條謹天變急先務正軍法布恩澤廣言路屏奸邪公薦舉選羣吏疏上 命所司知之

十一月以虜既退京城解嚴降詔撫安天下○楊洪等駐師還京論功封楊洪昌平侯石亨等封武清侯加于謙侯

總督軍務餘陞實有差

天順日錄云楊洪起行伍生長邊陲有機變用能通累立邊功屢陞將帥能用奇兵遇虜必擒其虛或出其不意善于劫營虜人畏之呼為楊王然自宣德以來胡人與中國和好每歲進馬薄來厚往未嘗大舉入寇或有擾邊者不過朵顏之類或獲或降多不過百餘騎少或十數騎而已洪以此得立邊功及是秋也先大舉入寇洪在宣府驚惶無措閉門不出若土木之圍洪能以後衝之必無是敗後召至京師適虜寇猖獗之際人心驚疑念以邊之舊將遂進侯爵亦終不能大挫賊鋒尋以疾卒然在邊校之諸將紀律頗嚴士卒用命為一時之巨擘焉○水東日記云楊武襄洪為人雖尚權譎然有威嚴將士知畏之此其所長不可掩者亦精輯延主張以成其名耳蓋自宣德來已受知于上三楊公皆受重之如初為指揮杜衡所誣而貶衛輝西繼為部卒李友全等奏上以付洪自治

時大臣有奏留邊將守京師者兵科給事中葉盛上言今



日之事邊關爲急。往者獨石馬營不奔。則六師何以陷土。  
木紫。鄰白羊不破。則虜騎何以薄都城。卽此而觀。邊關不  
固。則京城雖守。不過僅保九門無事而已。其如陵寢何其。  
如郊社壇壝何其。如田野之民荼毒何其。宜急遣固守宣府。  
居庸爲便。從之。先是土木旣敗。邊城多陷。官府孤危。旣而  
朝議復召宣府總兵官率兵入衛。京師人心益惶。皇戚欲  
遂弃其城。衆紛然爭就道。都御史羅亨信不可。仗劍坐當  
門拒之。下令曰。敢有出城者手斬之。衆始定。城中老稚僅  
呼曰。吾屬生矣。因設策捍禦。督將士誓歿以守。虜知有備。  
不敢攻。北門鎖鑰賴以保全。亨信之力也。

按古今立國邊藩為急我朝建都幽燕逼近胡境未  
寧既失所恃者宜府少為屏蔽耳正統之末當國者  
惟知保京師而付宣府于度外殊弗思宣府苟不守則  
山後皆淪寇壤陵寢之外而胡騎鳴鑼北門矣何以  
為國幸而羅公忠義奮發誓死以守不獨一城生聚  
福而京師實賴之故世謂亨信有社稷功信矣至守大  
同則郭登之績尤緯焉郭登者華昌人郭子興之孫初  
為勦附從征麓川有功是年秋據都督會事協守大同  
時我師屢師遼陞無完地大同兵士駭沒之餘城門竟  
閉人心土崩有愛登者泣謂之曰事已至此奈何登曰  
天若祐國家必無可憂之事若胡勢莫遏吾與此城  
誓相存亡當不使諸君俱死也登雖處危疑而氣益壯  
不死問傷親為痛泣于是晝夜籌慮修城繕兵以圖後  
舉既而虜侵京師登議率所部并剽集忠義從雁門入  
援先以原書馳奏大畧謂謂為南張三關失險虜賊  
連內地為患非輕欲急起各處官軍民壯入援關庭京  
兵擊于外後賊亦變非愛故之虞存居不救之患凡只  
患誠切已敢忘報國之心成敗在天不負為臣之節矣  
至賊已退優  
詔褒答焉

以賊攻賊  
智矣

寧陽侯陳懋尚書金濂等討福建盜執鄧伯孫誅之餘黨  
悉平先是懋等受命南征至建寧鄧茂七已敗死伯孫懼  
之勢益熾懋等乃揭榜招諭立賞格能自相擒殺來降者  
與斬敵同賞于是擒斬而降者相繼有千戶龔遂榮者入  
龍溪山中降其衆數千而還賊將張留孫勇而徒聞自茂  
七起事恒倚仗之遂榮乃爲書遺之許其自新使謀佯若  
誤者傳致之伯孫伯孫果疑留孫殺之由是賊將人人自  
疑棄伯孫來降遂進兵沙縣破貢川掛口陳山諸寨伯孫  
就執乃分兵解汀漳之圍入閩遂平○命都督同知董興  
總諸道兵討廣東盜黃蕭養以兵部侍郎孟驥贊理軍務

食都御史楊信民巡撫廣東○上皇北至小黃河、武寧、  
者營伯顏帖木兒之妻阿捷刺阿除、促令使女設帳迎駕、  
宰羊近床進奉、尋值聖節也、先來土壽進蟒衣貂裘筵  
宴、上皇在虜庭未嘗少降辭色也、先以車載其妹、欲以  
上配、時譯使吳官童隨侍言、上皇曰、焉有萬乘之君  
而爲胡婿耶、後史何以載卻之、則拂其情、乃慰之曰、爾妹  
朕固納之、但不當爲野合、待朕還中國、以禮聘之也、先乃  
止、又選胡女數人薦寢、復却之、曰、留俟他日爲爾妹從嫁、  
當併以爲嬪御也、先益敬服、聖德、鞏衆每夜見上皇  
所御帳房、上有火光隱隱、若黃龍交騰、其上近視不見、

某雖以死  
乙以見忠  
愛之王

謝女子

亦應顯中  
一段佳話

銘與袁彬俱常宿御寢傍。天寒甚。時每夜上皇令彬以兩脇溫足。一日上皇晨起。謂銘曰。汝知乎。昨夜汝以一手壓我胸。我不動。俟汝醒。乃下其手。因言光武與嚴子陵共卧事。曰。汝今日與子陵一般。銘頓首。上皇曰。回朝。着你做都指揮也。上皇或夜山帳房。仰視天象。指示二人曰。天意有在。我終當歸也。上皇嘗使哈銘致意于伯顏。妻令勸伯顏送還朝。妻曰。我女人何能爲。雖然。官人洗濯。我侍巾幘。亦當進一言。伯顏嘗因獵得一雉。并酒一盞。來獻銘。因奏一比喻曰。大海水潮時。有一大魚。隨潮落在淺水灘。彼大海中魚。如何在淺水中住得。這大魚急欲還歸。

大海中，潮水不到，如何去得。一旦時，潮水接着淡水，這大魚還歸大海也。上可寬心，時至自不能留，憂慮成疾，悔無及矣。○虜寇遼東，提督都御史王翱等嚴兵禦之，虜遁去。○十二月，虜寇其州，提督軍務都御史馬昂驅人畜悉入城堡，簡精銳選騎射，躬擐甲出屯山隘，以伺之。虜聞遁去。○尊皇太后孫氏爲上聖皇太后，尊生母吳氏爲

皇太后，冊妃汪氏爲皇后。上皇宮嬪周氏爲貴妃，則

太子生母也。○追封英國公張輔爲定興王，謚忠烈，輔

勵功臣，平交趾，進封公。累朝皆優寵之。○

夷知名，後殉于土木，以衣衾焚焉，輔沉，帝乃改敬禮。○

爲武臣之冠

改刑部尚書金濂爲戶部尚書加太子太保

天順日錄記金濂淮安人初爲御史有聲自永樂以來  
巡撫廣東者多滿載而歸自濂去一毫不取廣東人深德  
之累陞副都御史邊儲缺以充足後歸京師奏對宏壯  
上偉之拜刑部尚書頃畿河平開寇歸加太子太保  
改戶部喜結刑人性清忌利裁取精務充國課商民困  
疲或不暇恤焉所舉亦正言論風采動人非豪傑之士  
也後卒追封沐陽伯謚榮襄

命禮部右侍郎俞綱兼翰林學士入內閣辦事綱金陵人  
無他才能以生員薦入翰林謄寫宣廟實錄除中書舍  
人改邸府審理正至是以舊恩寵驟進得預密勿時以爲  
異入閣三月餘改南京禮部侍郎○令順天府所屬州縣

寄養各處起解備用馬匹、照北直隸事例、納糧分俵、

按圖經記、國初官馬養于各苑馬寺、各監苑而已、永樂中始以官茶易和林等處馬、養之民間、謂之茶馬、正統初京師有警、乃選取以備軍資、養于順天府近京縣、謂寄馬驛、標馬及京師無事、寄養之馬不復散去、至今遂為故、每歲草生、賒補之法、悉與各處茶馬無異、馬之家、雖云量免糧差、而賒補受累尤多、北方民力疲敝、此其大端也、

恭仁康定景帝紀

庚午景泰元年

正月朔、帝受朝、免賀、○上皇在虜營、寫表祝天、行十六拜禮、也先迎於斷頭山、作年請、上皇幸其帳、宰馬設宴、也先妻妾皆出叩頭奉酒、○初七日、上皇書至、索大臣



來迎命公卿集議廷臣因奏請遣官使北進冬衣有旨有能識太上皇者行羣臣俱謝罪繳納原奏事遂寢○大學士彭時乞終繼母喪不許忤旨去

閏正月鎮朔大將軍石亨都督范廣率兵出大同宣府尋召還○初開經筵命太保寧陽侯陳懋知經筵事內閣陳循高穀同知經筵事江湖商輅及侍郎儀銘俞山俞綱祭酒蕭敏時講學士劉欽諭德趙琬皆兼經筵講官是時每講畢命中官撒金錢于地令講官拾之以爲恩典時高穀年六十餘俯仰不便無所得一講官常拾以貽之識者病其褻嫚

尤妻

大非貽謀

按名臣錄宣德中李時勉為侍講學士一日宣稱獲金錢至史館散之干地令諸臣拾取時勉獨正立乃呼至前以袖中餘錢賜之則金錢故事其來久矣

京師烈風晝晦

勅大理寺丞薛瑄總督松潘糧餉

以副都御史軒輅鎮守浙江兼理塩課

進內閣學士苗秉兵部尚書尋致仕

給事林聰等疏單增罪下增于獄○都督汪全恃威晚勢

縱家人奪民田御史朱英等劾之有旨責全歸其田于民

按此一事景帝能聽言不私熱戚可謂明矣

北虜人朔州大同總兵郭登敗之詔封登定襄伯虜自屢

勝以來、出入自由、未聞有出一兵拒之者、登不勝憤、晝夜拊循將士、激以忠義、定爲賞格、期必殺賊、忽報東驛賊入境、登率兵躡之行七十里、至水頭、日已暮、休兵以覘之、夜漏下二鼓、報云、二十里東西沙窩賊營十二、皆白朔州搶掠而回者、登召將士問計、或言賊衆我寡、莫若全軍而返、爲善、登曰、我軍去城已百里、若一退避、人馬疲倦、賊以銳騎來追、雖欲自全、得乎、即按劍起曰、敢言退者斬、斬捕虜二百餘騎、奪回被擄人口牛馬弓刀器械、以萬計、捷聞、賜勅褒美、進定襄伯、是役也、登以八百騎破虜衆數千、自虜入寇以來、此爲戰功第一、登爲將智勇、善撫士卒、紀律嚴

明料敵制勝。動合機宜。在太同。與賊相拒。二年。處。戰。未嘗挫衄。常恨馬少。步卒追賊不及。乃以已意。設。地。龍。飛。天。網。等。法。鑿。為。深。壑。覆。以。土。木。人。馬。通。行。如。實。地。賊。入。圈。中。令。人。發。其。機。自。相。擊。撞。頃。刻。十。餘。里。皆。陷。殺。用。砲。石。擊。賊。一。發。五。百。餘。步。每。人。馬。死。者。數。十。賊。以。為。神。云。○侍講劉定之上言十事。一曰守禦。昨者紫荊居庸等。關。既。不。能。禦。虜。之。入。又。不。能。遏。虜。之。出。名。為。關。塞。是。則。坦。途。蓋。軍。士。寡。弱。亭。障。缺。敗。蹊。隧。疎。漏。非。朝。夕。之。積。也。今。宜。增。兵。士。繕。亭。障。塞。蹊。隧。如。古。者。畫。境。分。守。因。其。陸。地。則。縱。橫。掘。塹。名。為。地。網。因。其。水。泉。則。遇。處。停。蓄。號。曰。水。櫃。或。多。

植榆柳以制奔突。或多招土軍以助官軍。一曰降胡。往年以來降胡皆留居京師。授以官職。給以全俸矣。非我族類其心必異。故昨者或衝破開塞奔歸故里。或乘伺機便寇掠畿甸。今宜乘大兵聚集之際。遷徙其衆。遠居南土。禁其種落。不許自相婚媾。變其衣服。不許仍遵夷俗。或以爲兵使與吾中國之兵。部伍相襍。以牽制之。或以爲民。使與吾中國之民。里甲相錯。以濡化之。庶可省全俸之給。減清餼之勞。一曰練兵。臣觀向者兵士受粟布于公門。而納月餼于私室。于是手不習擊殺攻刺之法。足不習坐作進退之宜。目不識旗幟之色。耳不聞金鼓之節。但見其或負弩張。

斷以爲商或習學校莠以爲工而工商之所得僅以養月  
錢之費蓋民之膏血兵之氣力皆變爲金銀以惠奸宄一  
旦率以臨敵如驅犬羊以當虎狼幾何不敗哉今宜痛革  
月錢之弊作新操練之政一曰議政夫人主當總攬朝綱  
親決政務凡政事有早朝未及決者宜日御便殿大臣奏  
于前近臣侍于側言官察其邪正而加糾彈史官書其言  
動以示勸懲 陛下遵而行之則決于萬幾也益以熟而  
察千百官也益以明聖政日新天命日隆矣其六事言戰  
陣選將選使臣選守令重經筵教武胄皆切時務 上嘉  
納之○以邊圉事殷令天下生員納粟上馬者許入監限

一千人止其上選事例與歲貢同

納粟入監之制至此廢極矣。後來遂援此例以賑餉。甚至援此以接濟大工。自正統以來。承平日久。天下之事無不日入于玩愒。廢弛。祖宗朝最重太學。慎選貢。徒文行兼備者。積分。自廣業堂升。至率性堂。即得銓選。京職。方而真進士等。故洪熙初。猶選監生吳信等為給事中。厥後其法寢廢。迨至納粟上馬。例行與舉貢皆一。例。挨次。歷聽選。無復教養之實。彝倫堂遂為錢賄交易之地。大司成止為執簿。歷之官。博士助教徒為冗員。無所事事。太學虛文。視天下郡縣學校。相去何能以寸。祖宗良法美意。其尚存而不至于漸虛者。幾何。歷世幾何。可勝慨。

贈前侍講劉球為翰林學士謚忠愍

按球二子長秩次針皆好學通春秋肅父死于非命。針。門家居養母絕意仕進。及王振馬順死。球被責。針。部侍郎湯寧。與撫江。南。召二子慰勉之。曰。先公忠義。白子可以出而仕矣。乃出應舉。針。即舉。是秩。解。試。舉。

快舉

尋兄弟並登進士銜仕至左參政行誼為廉有文才史仕至雲南按察使後于孫科第歸鄉不絕人辭去所以報忠愍云

四月叛臣喜寧伏誅寧懷賊心數教也先擾邊且不欲還上皇還京上皇深惡之謂不誅寧還京未有期也寧又忌袁彬誘彬出營將殺之上皇急救之乃免及是彬與上皇謀遣寧傳命入京令軍士高磐與俱密書繫磐解聞令至宣府與總兵等官計擒之既至城下宣府叅將楊俊出與寧領書磐抱寧大呼俊縱兵送縛至京師誅之自寧既誅虜失其導於是亦厭兵矣○都督董興等大破席州賊黃蕭養誅之楊信民先為廣東參議有惠政恩信素



知天知兵  
知生才謀  
通鑑一略

享於民及受命巡撫至廣州民爭歸之信民發粟賑濟民  
益喜賊衆日散既而信民卒興等帥兵至時天文生馬軾  
隨行至中道夜半聞雞鳴興問之曰此何祥也對曰雞不  
時鳴由賞罰不明願公嚴軍令經清遠峽有白魚入舟中  
軾曰昔武王伐紂有此徵此逆賊授首之兆也時蕭養衆  
船河南十餘艘勢甚張衆欲請益兵軾曰兵貴神速若復  
請兵則緩不及事以所徵兩廣江西狼兵取勝猶拉朽耳  
興從之三月初旬夜有大星墜于河南岸軾以所占告曰  
四旬內破賊必矣至是興帥官軍至大州頭與賊遇果大  
破之蕭養中流矢就擒伏誅餘黨悉平興後封海寧伯

廟中坐曹吉祥黨請戍廣西○大同參將許貴言廣西  
乞○答○使○緩○兵○下○兵○部○議○尚○書○于○謙○議○曰○曩○遣○都○指○揮○李○輝○  
指○揮○岳○謙○往○使○財○賂○方○入○穹○廬○虜○騎○已○至○關○口○繼○遣○少○卿○  
王○榮○通○政○王○復○又○往○不○得○要○領○而○還○今○日○之○事○理○與○曩○皆○  
不○可○和○何○者○中○國○與○寇○虜○有○不○共○戴○天○之○仇○和○則○背○君○父○  
而○違○大○義○此○理○不○可○和○也○醜○虜○貪○而○多○詐○萬○一○和○議○既○行○  
而○彼○有○無○厭○之○求○非○分○之○請○從○之○則○不○可○違○之○則○速○變○此○  
勢○不○可○和○也○移○文○詰○責○許○貴○○國○子○祭○酒○致○仕○李○時○勉○卒○  
○南京禮部尚書王英卒初謚文安改謚文忠英字時彥  
金谿人平生直亮好規人過不爲三楊所喜

五月處州賊陶得二寇武義縣浙江按察副使陶成禦之  
戰久

按得二先已招降既而復叛率衆來攻武義無城惟木  
有潛入城爲內應者兵遂大潰成策馬突陣死之事假  
新會縣丞成廣西警松人初舉鄉試告廣遠  
方校交趾典史以有守有爲累荐至今職

立京營團操法兵部尚書于謙以京師兵馬分隸五軍神  
機三十諸營者雖各有總兵然不相統一每遇調遣總兵  
奏撥號令不同兵將不相識或至誤事乃議練選諸營  
步官軍一十五萬分爲十營每營各以都督總領每五  
用都指揮一員每千又用都指揮或用指揮一十五員

每五百名用指揮三十員、分管每隊用管隊官二員、常令在營操練、統體相維、兵將相識、出征就令原管都督等官統領前去、號令歸一、行伍不亂、迄今團營之法、守而不易、○城固原、○我左都督楊俊、俊先守備獨石馬營等處、土木之變、弃城逃歸、馬營龍門等八城皆不守、旣而命爲參將、帥兵巡哨懷來等處、復擅調永寧守備官軍于懷來守備、將永寧城西門砌塞、于謙劾其方命專權、擅作威福、詔宥不問、俊又以私怒都指揮陶忠、杖撻凌辱而死、其父洪懼禍、奏取俊還京師、隨營操練、旣至、謙併劾其獨石弃城、喪師辱國、及懷挾私仇、筆死邊將之罪、謂非誅俊、無以

懲戒將來、兵科給事中葉盛等亦劾之、於是逮三法司議罪斬于市、

六月北虜使來議和、遣禮部左侍郎李賓等使虜、先是也先以和議不成、俾其知樞密院阿剌爲書遣參政完者脫欽齋番文赴京請和、是時韃靼國政皆也先專之、其兵最多、脫脫不花雖爲可汗、兵稍少、知院阿剌兵又少、君臣鼎立、外親內忌、其合兵南侵利多歸也先、而弊則均受、及欲和、恥屈意、而陰使阿剌來言、于是禮部會奏虜使迎復舊從、明日帝御文華殿、召文武羣臣諭曰、朝廷因通和壞事、欲與虜絕、而卿等累以爲言、何也、吏部尚書王直首對、

是臣子至  
情

謂上皇在虜理宜迎復必乞遣使勿使有他日之悔帝不憚曰當時大位是卿等要朕爲之非出朕心少保于謙對曰大位已定孰敢有議但欲發使盡禮紓邊患耳帝意始釋曰從汝從汝言已即退羣臣出太監興安復出傳旨呼言爾等固欲答使且言孰可行者孰爲文天祥富弼其人耶衆未荅王直面發赤厲聲曰豈可如此言今日羣臣皆朝廷人一惟朝廷用孰敢有不行者如是言之至再興安復命旣而陞都給事中李實爲禮部左侍郎羅綺爲大理右少卿克正副使以行勅書旣下則惟言報禮不及迎復實驚訝請內閣白之遇興安興安曰汝奉黃紙幹

事他何與焉實等遂偕虜使北行

按水東日記興安雖短於大瀋於僧傳聽信二三故舊大臣然能守廉人不易了以私惟于迎彼則深可罪也

七月朔李實等起行十一日至也先營也先見實等歷詰前次所遣使臣見殺不還之故實等一一荅之也先因曰大明皇帝是我仇人自領軍馬與我廝敵天的氣候落在我手裏衆人教我害他我再三不肯他是一朝人主我特着知院伯顏帖木兒早晚恭敬不曾怠慢你每捉住我留到今日麼實曰此足見太師仁厚之心也也先曰你每來的時候我正歡喜料得你每事務成就了若不來呵我每七月十五日人馬到北京也明日引實等見上皇進紵絲

四匹及糧米魚肉煤炒燒酒等實等泣下行禮畢見上皇所居者布帳布葦席地而寢牛車一輛馬一匹以爲移營之具而已上皇謂實等曰當時朕非以遊畋而出乃爲生靈計不意被留皆王振輩所致也及也先實意送朕回又被喜寧屢次阻住因問聖母及今上安好上皇泫然淚下既又問舊臣數人又曰在此踰年始見卿等實因奏曰陛下錦衣玉食今服食麓陋不堪因極言王振向日寵之太過以致傾危國家駕蒙塵之禍上皇曰振木敗時無人肯言此亦朕不能燭奸今悔悞何及實即事賦一詩云重整衣冠拜上皇偶聞天語重淒涼



腥膻充腹非天祿，艸豢爲居異帝鄉。始信奸臣移國柄，終  
教胡虜叛天常。只今天使通和好，翠輦南旋省建章。也先  
宰馬置酒以宴賓，實因言來迎之意也。先曰：大明皇  
帝勅書內，只說講和，不曾說接駕。大明皇帝留在這裏，  
又做不得我每的皇帝，是一個閒人。我還你們千載之後，  
只圖个好名兒。你每回去奏知，務要差太監及大臣來迎。  
我便差人送去。如今送去呵，輕易了復再三言之實等十  
四日。辭上皇歸，也先遣右丞把秃同赴京，復遣人同羅  
綺往大同調回山西大同一帶擾邊人馬。○時虜主脫脫  
不花普化可汗亦遣其平章皮兒馬黑麻來議和，朝廷復

遣右都御史楊善侍郎趙榮使虜報命往問。上皇道過  
李實乃實告以虜情。善至虜境虜遣使迎之。因問土木之  
役。南朝將士何以不戰。乃解甲自漬。善曰。承平日久。將卒  
不習武備。況此行原擬扈從。非選銳攻戰。何得不敗。善因  
言。今上英武。戎政聿新。招募武勇。收攬羣策。虜所恃惟  
馬。中國今以鐵製椿。擬徧豎山嶺。但騎過無不中傷者。又  
新製礮石。發可擊殺數百人。又南方毒弩。中人馬無不立  
死者。今以三十萬人習弩射。皆精技。又以鏢置銃火中。名  
神鎗。可洞重甲。及三百步外。凡此類甚多。惜無用矣。虜使  
曰。何惜。善曰。今南北通好。何所用之。虜皆以白其酋。既至

見也先也。先問曩南朝減馬價，故善言昔使臣少，不過三十人。今多至三千餘人，朝廷皆厚賞宴，豈得爲薄也？先問何故拘留其使？善言或使臣所從人爲奸盜，他所遇害中國，留之何用？善又言減馬價，以人言入貢者非正使，乃減幣數，又使臣多自剋欺，隱非朝廷意也。先又問市金事，善言此小民市易。朝廷豈知善？又歷述累朝恩遇之厚，不可忘。且言天道好生，今縱兵殺掠，上千天怒，反復辯論數千百言，皆確中肯綮。二十一日，李實等至京，奏討使臣奉迎不許，文武大臣上章懇請遣使，亦不許。帝問李實也先講和之意，虛實如何？實對曰：臣入番境，彼處虜人皆

忻悅夾道謳歌、沿途乳酪、勸臣飲之、咸願和好、蓋因彼黨人馬相繼病死、又因離家駐邊日久、論其和意、似有實情、帝曰、待楊善回來、再定奪、

八月初二日、楊善等至虜營、也先見善等、至甚喜、許送

上皇還京、有平章昂克問有何禮物來迎、皇帝善曰、太

師仁義克順天道、敬我君父、故送還、豈爲財物乎、此舉萬

代瞻仰、若將財物來、後人說太師愛錢了、也先曰、都御史

說的是、昂克說不合理、我只圖垂名後世耳、也先復問善

皇帝回去還做否、答曰、天位已定、再難更改也、也先曰、堯

舜當日如何來、答曰、堯讓位於舜、今日兄讓位於弟、正與

堯舜一般。明日善等見。上皇于伯顏帖木兒營。又明日也先設筵宴請。上皇至其營餞行也。先自彈琵琶。裏妾奉酒。善等亦侍飲也。先曰都御史坐。上皇曰大師着坐。便坐。對曰。雖居草野。不敢失君臣禮也。先顧莖曰。中國好禮數。又明日伯顏亦設宴與。上皇餞行。又各設宴與使臣送行。初八日。上皇駕起也。先率衆頭目羅拜而別。伯顏率兵護送。十一日至野狐嶺。伯顏等慟哭曰。皇帝去矣。何時復得相見。良久始別去。仍令頭目率五百騎送至京下。千戶龔遂榮詔獄時。上皇已入塞。朝廷猶以虜情多詐爲疑。禮部連日會奏議奉迎禮未定。遂榮與翰林學

稽之于情  
于理當如  
此

又續臨訖  
下獄

士高穀言奉迎當從厚。大意謂上皇之出非遊畋無益  
為宗社計耳。今都人一聞駕旋無不喜躍則人心尚未  
厭上皇也。今日奉迎禮當從厚。主上當避位懸幣而  
後受命乃可。不然恐千載史書難洗穀袖其書入朝以示  
廷臣曰武夫尚知此禮况儒臣乎。王直曰此禮失而求之  
野耳。胡濙欲封進。庶見朝野同情以感動上心。都御史  
王文止之。陳循見之恚甚。言遂榮非分。請治其罪。遂下錦  
衣衛獄。尋會赦得釋。○十四日上皇至懷來。將抵居庸。  
禮部始得旨羣臣同禮部議迎復儀注。兵部總戎議防變  
方畧。朝退多官集會議所。王文忽厲聲曰來孰以為來耶。

黠虜豈誠真彼不索金帛必索土地有許多事在就以爲  
來耶衆素畏文聞此皆相顧無復有言者胡濙獨具儀注  
送內閣○十五日 上皇至唐家嶺遣使回京詔諭避位  
免羣臣迎十六日百官迎于安定門 上皇自東安門入  
今 上迎拜 上皇答拜拜畢相抱持而哭各述授受之  
意推讓良久乃送 上皇至南宮百官隨至南城請朝見  
勅曰先帝遺命祖宗鴻業付畀于朕深爲荷負之重朝  
夕惶懼以圖法天去年秋醜虜傲虐背恩負德拘我信使  
率衆臨邊有竊窺神器之意朕不得已親率六師往問其  
罪不意天示譴罰被留虜中屢蒙 聖母上聖皇太后皇

帝賢弟篤念親親之恩數遣人迎取上賴天地大恩祖宗  
洪福幸得還京爾文武羣臣欲請朝見重以眇躬辱國喪  
師有玷宗廟又何顏見爾羣臣乎所請不允○大赦天下  
○癸巳 上宴瓦剌使人于奉天門明日 上皇宴之南  
宮乙未陞賞瓦剌使人有差

劉定之曰聖朝承平既久蒙華滋益內而奸臣操弄  
外而驕虜憑陵故已巳中秋之變亘古所無然尚賴天  
心默佑皇國鞏固振威以超其侮厚德以順其化故庚  
午中秋之變亦亘古所無幹旋軋地振亂反正何其神  
速也哉導然聖訓相繼千億萬年無念  
前中豈不謂心于制治保邦之良圖也耶  
王黎曰英廟北狩蒙塵虜人侮視旋未  
古之所無也國國家國勢之強亦人爭存以中其機會  
是時 郊王監國不欲急若遑人謝之曰中國有上天  
事人抱空賢而自不責于天下所以汲汲塗炭而合



公孫申  
之謀也

陳建曰景帝當多難之餘而能任賢選將南征北討轉危為安易亂為治其功可為不細惟不欲奉迎英廟之歸實由于此蓋無意於迎者乃所以迎之也不欲其時者乃所以不迎之也此意也景帝不知之時廷臣不知之時使當時急于奉迎則彼必以為我所重在此則處必挽留為賢以休中焉如未之徵欽迎請愈勤而愈不可得卒委骸沙漠為萬世羞惟不急其君而無意於迎則彼以為與其抱空質而無用曷若歸之以謝恩此漢高分羹之誤語所以謬敵而致太公之歸是英廟之復歸天也非人謀之所及也雖然亦會逢其適也值我國家氣運之盛而胡虜之無入志也使遇五胡劉石阿骨打奇淫亂於此見我朝萬萬無疆之休

高岱曰擬以英宗寵之過遂至家塵幾亡宗社豈不後世明鑒哉然英宗非遊畋遠樂故第誤耳其被留虜所尚念軍民能爭刈秋稼入城此帝王之心哉竊使國非幸也夫宋徽欽不返而英宗復辟雖天命

有在亦事議不同。景宗即位，則所重在於德業，不能絕房族，不為宗室。景宗則兄弟之義，與父子殊也。此于謙輩所以立。景帝有微意，故不但以長君故耳。景帝迎復意殊不切，遣使迫于羣議耳。雖然，英宗之得返，則在此也。此不急迎復，彼將抱空質耳。阿利而不歸之，使止之者急，彼自晏然已乎。然則景帝雖恩禮有失，而繼統為正，順號今所宜議復也。于謙有定國之忠，而以冤死，悲哉。

九月翰林侍講學士劉鉉主考順天府鄉試，及揭曉，第一人劉宣，乃盧龍軍士也。同事者欲更之，鉉爭曰：「朝廷立賢無方，不可乃止。」時論韙之。

王世貞曰：按山野記，言景泰中劉學士鉉，與南畿試武取江陰徐泰為解首。泰本富室，或以為有私。高閣老乃請覆試。上不可，比泰等赴禮闈，中書特詔南畿五經魁士入禁中覆試。陳閣老徐步觀，五士文章至泰，微言曰：「仍應以此卷為首，亦不知其誰泰否也。」比拆封，其次一與原第符合，乃仍賜泰為解元。劉鉉初大不平，欲

扣關力辭。迨發試乃已。後劉沒有司議。遂亦以此事。繼曰。文允焉。初高之請。以于尚書。王勰御史。二子不第。乘此爲之地。凡既而罷。廷詢其意。特命以二子登科。時目爲欽賜舉人。按于發選。止有一子見。已爲府憲。于是科陳芳洲。王于之。俱在內閣。二子不得第。上疏。以徐泰事。續考官。而高文毅奏請覆試。且言陳王之義。事始得解。今視氏移陳芳洲之事。於于肅然。而又移二公之請於高文毅。不過欲爲外大父掩飾。我于肅然之惡耳。孔子惡利口之覆。邢家真斯人哉。

鎮守雲南兵部侍郎侯璉督軍征貴州苗寇有功。進兵部尚書。尋卒。先是貴州饑。苗叛。攻圍新添平越諸衛。道梗弗通。城中食盡。命璉督諸軍往征之。時普定圍急。璉自雲南選善射者爲前鋒。自將至普定。疾戰。矢下如雨。賊大敗。圍解。遂趨貴州。副總兵田禮等以兵來會。克龍里。薺城。羊腸。

楊老諸寨新添平越清平都勻諸圍俱解。帝嘉其功，遂遷尚書。又進克安莊西堡長官司。時暑雨方盛，疾病大作，璫得疾，昇歸普定卒。○命保定伯梁璫、右都御史王來督同叅將都督方璫、陳友等往剿湖廣貴州等處苗寇。先是靖遠伯王驥與都督宮聚、張軌等還自麓川，即命征苗。聚軌皆失利，惟驥擒其酋，出富檻送京師。然苗勢愈熾，驥亦不能定。奏言：「久在南裔，身染瘴毒，乞還朝廷。」乃以璫等代之。永樂中，韃虜來降者多，安置于河間、東昌等處，生養蕃息，驕悍不馴，方也先入寇之際，皆將乘機騷動。幾至不可收拾，至是發兵征湖廣及廣東西諸處寇盜，于謙奏遣其

功

有名號者。厚與賞。獨隨軍征進。事平。遂奏留于彼。於是數十年積患。一旦潛消。

十一月。上皇萬壽聖節。禮部請羣臣朝。帝詔免朝。○以禦虜功。封宣府總兵都督朱謙為撫寧伯。○南京吏部尚書魏驥進表至京。以老乞骸骨。許之。內閣陳循。驥考試時所取士也。見表。請曰。先生雖位冢宰。然未嘗立于朝。願少待事在吾輩而已。驥不從。退謂人曰。渠將朝廷事為一已事。安得善終。

老成之世

驥浙江蕭山人。初舉第。試為松江訓導。教有成效。以薦降太常博士。累遷至京官。為人端重。祇慎。簡約勤廉。居官有聲。然若不勝衣。雖王振亦禮重之。贊見惟怕一方。振亦不較。

十二月胡濙請明年正旦百官朝 上皇於延安門不許

○荆憲王請朝 上皇不許

辛未

景泰二年

正月 上皇在南宮○勅御史練綱巡視兩淮鹽課自是權貴中鹽者斂戢

二月命右僉都御史王竑巡撫兩淮諸郡時徐淮大飢民死者相枕籍竑至盡所以救荒之術旣而山東河南流民猝至竑不待奏報大發廣運官儲賑之近者人日餉以粥遠者量散以米流徙者給米以爲道食被溺者贖其人以還其家共用米一百六十萬餘全活數百萬人擇醫四十

人空庾六十楹。處流民之病者。死者給以棺。爲叢冢葬之。窮晝夜竭精慮。事事窮理。有所委任。必委曲成論。出於至誠。人人爲盡力。或述其行事。爲救荒錄。世傳焉。先是淮上大飢。帝于樓船上閱疏。驚曰。柰何。百姓其飢死矣。後得茲奏。輒開倉賑濟。大言曰。好御史。不然飢死我百姓矣。○調兵部右侍郎項文曜爲吏部右侍郎。文曜媚附于謙。每朝待漏時。必附謙耳密言。及朝退亦然。行坐不離。時以文曜爲于謙婢妾。內議患其黨比。乃調文曜爲吏部。甚哉人情之僻也。無論性骨模稜。往往爲柔佞所牽。以文肅之正直。一時昵于文曜而不能絕。況乎其他。

令午朝翰林院先奏事時翰林學士周叙上疏曰臣職叨  
班行伏見永樂洪熙宣德三朝臨御大班既退即于午門  
上說事各衙門官輪流向前君臣相與商確政務罄盡所  
言人懷畏憚而事機不泄成密勿廟堂之美自正統以來  
王振用事上下隔絕于是輔弼大臣及近侍官員不得召  
對對亦不敢盡言以釀成今日之禍宜令羣臣依舊制輪  
流向前說事止與數對令知他人不得與聞庶得吐露肝  
膽而不宣泄于外時不能行

丘濬曰我祖宗以勤爲治無日不朝而每日之朝有  
早午晚三朝或兩朝焉誠以自古亂之端皆起自蒙  
蔽蒙蔽之由起自上下之情不通上下之情不通起自  
君臣不相接見然徒見而不相親雖見猶不見也故



聖祖御製大誥首篇以君臣同遊爲開卷  
第一義所以示萬世聖子神孫者至矣

會試天下舉人命戶部侍郎兼學士江淵修撰林文爲考  
試官取吳濂等三百人廷試賜柯潛劉昇王俠等進士及  
第出身有差是科鍾同馬文升余子俊林鶯楊守陳秦紱  
高明後皆以功名顯○都御史王來擒苗首韋同烈香鐘  
山平

六月巡撫李匡破艸塘賊

七月王來率兵討貴州賊○詔擇顏子後裔希惠孟子後  
裔希文並授翰林世襲五經博士誠意伯劉基七世孫祿  
亦授是職○文選郎中李賢上正本十策曰勤聖學顯錄

警戒嗜慾、絕玩好、慎舉措、崇節儉。畏天變、遠貴近、振士風、結民心。大畧言朝政闕遺有司、利病生民休戚、內外進言已詳。然有關於上之身心者、或畧。臣以爲陛下下一身家國天下之本、而心又身之本也。正其本萬事理。惟陛下之心既正、則國家天下之事、可以次第推行。乞留中以時省覽。詔付外。既而給事中李侃等以災異上疏、謂李賢忠言宜賜采納。乃復取奏入。命翰林繕寫置左右焉。禮部尚書楊寧見其奏歎息、謂賢曰、吾請崇節儉一事、殆欲淚下也。時帝頗聲色奢侈、嘗以銀豆金錢等物撒地、令宮人及內侍爭拾爲開笑。編修楊守陳賦銀豆謠、大寓諷諫。恨

未達于上耳。

其議曰：尚方承詔出九重，治銀為豆，驅良工，願願勾圖，奪天巧，朱函進入蓬萊宮。御手親將十餘妃，環玕亂酒，金階下，萬顆珠璣走玉盤。一天雨露鼓驚瓦，中官跪拾，多盈袖。金鑑半蓋羅裳綺，贏得天顏一笑懽。拜賜歸來，坐清晝，聞知昨日六宮中，翠娥紅袖承春風。黃金作豆，競拾得，羊車不至愁烟中。別有銀盃薄如葉，并刀剪碎，盈丹匣也。隨金豆酒金階，滿地春風飛玉蝶。君不見民，食木皮和草根，想豆食如入珍官，食有米無錢糶。操，歌盡作溝中塵，明主由來愛一頻。安邦只在恤窮民，願將銀豆三千斛，沽取枯骸百萬人。

李賢為兵部侍郎。○錦衣衛指揮盧忠有罪，誅之時，上

皇居南宮，忠上變妄言，帝怒殺中官阮浪等，猶欲窮治

不已。忠一日屏人，請卜者全寅筮之，寅以大義叱之曰：是

大凶兆，死不足贖忠懷，乃狎狂為風狀。學士商輅典司禮

侍臣王誠等言盧忠是个風子豈可聽信他壞了大體傷  
骨肉之情後追問忠果謂供養真武得其通報以妄言伏  
誅

按寅山西安邑人少警而性聰警學京房易占斷多奇  
才名播四方正統間客遊大同上皇既北狩陰遣使  
命鎮守太監裴當問寅寅筮得乾之初九附素曰大吉  
可以賀矣龍君象也四初之應也龍潛躍必以秋應以  
庚午決歲而更龍變化之物也庚者更也庚午中秋車  
駕其還乎還則必動勿用故也或謂應焉或之者疑之  
也後七八年必復辟午火德之正也丁者壬之合也其  
歲丁丑月壬寅日子午午自古歲數更九躍則必飛九  
者乾之用也南面下衛午也其君位乎故曰大吉既而  
也先復入冠京師成敗寅時在石亨幕下召問休咎寅  
筮之曰無能為也且彼氣已驕戰之必克虜果敗去踰  
年也先款奉 上皇南還時率以為詐獨撫寧伯朱謙  
上書懇請 朝廷持不敢發寅言于亨曰虜人順天來  
義我中國反失奉違禮節不為夷狄笑乎亨遂與于謙

景運使。虜果奉。乘輿來歸。  
後上皇復位。授賓綿衣衛百戶。

浙閩盜平。進兵部侍郎孫原貞爲兵部尚書。撫鎮南省。遂  
爲浙江奏立宣平雲和景寧泰順四縣。福建置永安壽寧  
二縣。地方以寧。○巡撫南直隸工部尚書周忱乞致仕。命  
戶部侍郎李敏代之。

按忱在南畿二十二年。兩遭喪。皆起復視事。上任既專。  
忱亦盡心職務。爲人謙恭。不立崖岸。洪應傑長善林泉。  
論征輸有常度。貢賦未嘗稽欠。且有贏餘。遇屬郡有荒。  
歉。即以便宜從事。撥餘米以補不足之數。凡官府織造。  
供應軍需馬草夏稅鹽鈔驛馬鋪陳歲辦該徵者。盡出  
於所積餘米。蓋民賦歲輸石五斗之外。漠然不見他役  
之及已。而官府無復徵科之擾。諸縣學校先賢祠各郡  
橋梁河道盡爲修葺。治一切取諸米。人爭爲立生祠。  
設因以祀之。其後戶部言濟農餘米失於稽考。奏遣曹  
鳳盡括歸之於官。於是徵需雜然。通負自若。人益思忱。

之功焉後二年

沈卒謚文襄

思善諱曰鳳翰如致仕歸事父母蘇松連歲大水饑民餓  
濟周措飢民枕藉于道雖死猶曰安得周公復生以活  
我耶自是撫臣守其法而治案之則亂問有知其所以然  
然而不知其所以然知其所當欲而莫知其所以欲民  
卒無以業其惠也

秋中書舍人何觀調外任觀時辦事文淵閣奏言大臣舊  
老如尚書王直胡濙等正統中皆阿附權奸今此輩老僮  
不宜在左右及言北虜之來朝宜縣置于南方忤旨下六  
科十三道議以聞吏科給事中毛玉爲奏稿謂觀誣陷大  
臣擅開邊釁宜正觀罪等語同列林聰葉盛皆勸玉易稿  
不從盛曰朝廷大開言路未嘗罪一言者雖罪觀猶令我

等看議蓋甚盛德也。君猶不念劉球之事乎。球之殞人至  
今以王振馬順爲恨。此諸君所親見也。雷霆之下。萬一不  
測。是我曹爲之。而成朝廷不容直言之名。且諸君亦言官。  
獨不爲它日身計乎。王意解。乃稍易數語而奏之。有言。今  
錦衣衛校觀。調外任。明日盛道遇錦衣衛二鎮撫。語及校  
觀事。二人曰。彼何可深罪。杖惟具數耳。